

宋

會

要

凶禮
后喪

宋會要

溫成皇后喪禮

仁宗至和元年正月八日貴妃張氏薨治喪於皇儀殿
詔近臣宗室入奠移班奉慰帝於殿東楹特輟朝七日

命叅知政事劉沆為監護使入內侍省內侍押班石
全彬勾當御藥院劉保信為監護都監殿前都虞候王
凱為總管 十二日制曰王者峻宮闈之班秩非選德
無以冠後庭崇房闈之號稱非遺懿無以憲天壺斯所
以舉褒懷之禮申哀卹之文誡告在朝令申舊典故貴
妃張氏性歸淵穆體本淑和踵緩冕之慶華臨圖史之
良訓克博母教允協嬪風恭儉之儀每以盡其志憂勤
之助必以罄其心進陪禕翟之容退存軒龍之象偶寒
暄之遘厲俄風火延災向以失內禁之宵嚴犯周廬之
夕警能挺身而衛丹極遂捐己以護皇居暨憫雨以請
憇方責躬而引咎因授刀而割膚乃濡翰以封章事既

秘而不言物有存而可歎報君憂國望右無倫遽爾長
辭邈焉如在宜正駟車之御益隆虎劍之章鋪顯豐融
以昭惜惻於戲彤管有煒或播於聲徽象服是宜載揚
於命數庶幾渥澤永饗休嘉可特追冊為皇后所司擇
日脩禮冊命仍賜諡曰溫成初諡恭德言者以謂德
字不當同太宗諸后諡故改賜之十三日詔京城禁
樂一月自啟櫨至塋復禁止命翰林學士承旨王拱辰
撰諡冊文端明殿學士楊察撰哀冊文知制誥王洙書
十四日殯於皇儀殿之西階群臣進名奉慰十六
日遣官告太廟皇后廟奉慈廟十九日遣宰臣梁適
奉諡冊告於皇儀殿冊文曰皇帝若曰夫內德之茂

非正位無以顯其猷彤史所載非大名無以表其行矧
予嬪合之懿夙著徽柔之則故生則副珈褕翟以寵其
初沒則祿章愍冊以垂於後褒功節惠繇來舊矣故皇
后張氏坤順以大月盈而冲毓秀儒門參儷天極頌樹
著於延葛雍和見於流荇自初選納惟德之行琴瑟之
音莫不靜好椒蘭之美居多服媚遠貴勢而不處履華
寵而能降翼朕偕閔天之盛導予躋黃老之福憂勞臣
下永念樛木之仁檢御近姻慨慕濯龍之戒至於盜警
廬微挺身以衛至尊時丁旱暵刺臂以祈來貺愛君之
烈何謝古人祗瘼難期疹毒斯邁十齡何遽一昔而亡
奔駒逝川追悼奚及筮龜協吉園兆有期奉常據古稽

合二稱朕撰庸較德昭錫徽名公言食同世繫攸穆今
遣攝太尉尚書禮部侍郎同中書門下平章事集賢殿
大學士梁適奉冊謚曰溫成皇后仙遊匪邈典策是膺
茂範存於壺闡嘉問流於縠素音容永閔哽結難勝鳴
呼哀哉禮畢群臣進名奉慰是夕設警場於右掖門外
二十日帝成服於皇儀殿之別幄群臣進名奉慰是日
輜車發引由右昇龍門出右掖門升大昇輦有司設遣
奠讀哀冊 冊文曰維皇祐六年歲次甲午正月丙寅
朔八日癸酉貴妃張氏薨十二日丁丑冊謚曰溫成皇
后十四日己卯殯於皇儀殿之西階粵其月二十日乙
酉遷座於散宮禮也素紼整徒靈衣戒御祖饋宵陳遣

觴晨具泣縞從以成雨黜椒塗而生霧皇帝顧懷嬪則
感切仁衷悼副禕之不見嘆華栝之俄空爰命詞禁紀
揚芳風其辭曰厥初洪濛分判太儀陽運剛粹陰凝方
祗肇經邦家乃正后妃河睢播饗王化是基四女佐譽
二娥隆媯天作之配人光厥期黃序遐源留封景冑德
厚慶遇蔭華族茂玉勝啟祥珠畢挺秀有倬英媛淪精
降神夙智先晤含藏體真擬娶齊寶瞻巫等雲乃瑞紫
闥來翔秘宸位以德舉榮繇才甄貴首天秩妃亞后尊
儷儀乾體協美坤元履正居位處順承天外毗陽化內
參陰政助月成光均軒騰景惠問蘭敷清懷靈整性與
幽閑心資婉令莒茂其柔淵澄其靜六列宗模四業純

備言必稽典動斯率義繁藻並修組紉咸事鑒史求箴
稱詩迪志逮下必均進賢無諛抑遠外族澤無偏暨敦
履素約衣無窮麗自頃周廬誰可施衛觸瑟方警當熊
已厲近閔時雨側躬減味齋素助新精誠獨至瀝血書
文請咎歸己深誠不言遺毫在紙勤勤與和晦明生疵
醫政失全視司告輝生也弗融天兮難問奄忽之間靈
暉道盡嗚呼哀哉善必鍾祉仁期永命展如之良宜百
斯慶柘館屢闕日懷之應半燭收光方春委盛何華之
繁兮寶之瘁胡德之昭兮福之昧背明世之豐樂係幽
局而永逝異今昔於俯仰變歡哀於鑒寐慟皇情於遺
物滌榮恩於恤禮詔遏音以盈月輟昕朝而廢視嗚呼

哀哉燹燎光斷金波影低哀茹寒急楚挽清淒動輜軒
兮晦霜轉霜旒兮逶遲風含咽以沉籟雲紫愁而不飛
去復去兮寧復泛悲莫悲兮長別離甘泉之像兮空若
在方士之述兮終亦非惟芳聲之郁烈縣百代而揚徽
嗚呼哀哉 權厝於奉先院禮畢宰臣率百官還詣西
上閤門奉慰 二月二日詔太常禮院孝惠孝章淑德
章懷皇后章惠皇太后溫成皇后皆立小忌_{年罷}七月
六日詔以溫成皇后舊宅立廟參定四時饗祀之制太
常禮院言檢詳國朝孝惠皇后太祖嫡配即陵所置祠
殿以安神主四時設常饌無薦饗之禮今宜就葬所立
祠殿參酌孝惠故事施行仍請題塋所曰溫成園復詔

詳議以聞禮院上言準詔就塋所立祠殿請廟南設一門用二十四戟其殿間室并石塼神主制度並乞依皇后廟一室制從之 九月十日太常禮院言塋所請稱溫成皇后園陵從之 二十五日啟憤帝不視事群臣進名奉慰 二十七日詔監護使宰臣劉沆為園陵監護使石全彬劉保信並園陵都監 先是權御史中丞孫抃侍御史范師道母湜言劉沆既為宰相不當領護使不報翌日有是命後知諫院范鎮言太常議溫成皇后塋禮前謂之園後謂之園陵宰臣劉沆前為監護使後為園陵使如聞此議皆出禮官前日是則今日非今日是則前日非必有一非於此矣夫禮典素定而不可

輕變者也。議論異同如此，是為禮官而以禮自舞者。古者法使舞人，而今世禮官舞禮，官舞禮若不加詰，恐朝廷典章浸壞而不可救也。乞下臣章問禮官前後同異狀，以正中外之感。不報。

十月四日，太常禮院言祠殿祭器請視皇后廟一室之數，四時薦新及朔望並如例。令宗正寺官行事從之。

六日，宰臣率百官詣奉先院拜奠。

七日，莒於奉先院之東北隅，虞主權奉安玉津園。宗正卿行九虞之禮，帝不視事。群臣進名奉慰。

十六日，神主入廟，不視事。群臣進名奉慰。

十一月五日，內出太廟禘祫時饗及溫成皇后廟祭饗樂章樂典下太常肄習。

嘉祐七年正月二十七日，詔改廟為祠殿。

歲時令宮臣以常饌薦之

皇詔

後議

具

全唐文

后表

宋會要

宣仁聖烈皇后

哲宗元祐八年九月三日太皇太后崩于崇慶宮之壽康殿遺詔曰吾受遺神宗保佑聖嗣憂勤庶務今茲九年未嘗以一物徇於己私片言害于公義神祇助順宗社降康方隅底寧年穀屢稔然吾素有未疾已逼耆齡寒燠所侵疹恙時作比欲釋天下之重負就東朝之燕閒使辟以時實吾之志屬嬰沉疾有加無瘳皇帝以純孝之誠盡躬侍之養冠帶不脫於朝夕藥食必視其寒溫吾安于理命之常決于死生之分大期有極固不可移寧神厚陵夫復何恨皇帝宜念繼統之重躬聽斷之

明無過哀傷勉慰物望近臣輔弼更為開陳吾稽參舊
章推恩兵衛內外諸軍將士並與特互在京文武臣僚
并外處管軍臣僚並與支賜皇帝成服之後三日內聽
政以日易月一依舊制在京文武羣臣十三日而除諸
司長官及觀察以上臨于宮庭其餘官臨于宮門外諸
道州府長吏以下三日釋服軍民不用縞素沿邊州府
不得舉哀制服釋服之後勿禁作樂園陵制度務遵儉
省勉從吾志勿事煩勞餘依章獻明肅皇太后典故
四日文武百僚詣宗慶宮聽遺詔移班慰上是日朝晡
臨詔曰太皇太后受遺稱制保佑眇躬勤勞九年享安
四海大德未報奄棄東朝布宣未命中外悲怛永惟平

日謙恭之至意每逢先後臨御之常儀逮此遺言止以園陵為號既非朕尊崇之本志又失臣下愛戴之誠心宜令有司易園陵為山陵餘恭依遺誥樞密院言太皇太后遺誥內外諸軍將士並與特支錄明道二年章獻明肅皇太后上僊特支例同三省奉旨令尚書戶部照會其已銷及創置軍分并該說不盡比類施行五日詔群臣詣皇儀殿宣遺誥臨哭見上于殿之東廂奉慰是日遣使告哀遼國及諭夏國七日禮部言據太常寺狀大行太皇太后崩准遺誥節文釋服之後勿禁作樂餘依章憲明肅皇太后典故施行本寺檢會章憲明肅皇太后故事中外禁樂至百日其百日止為民庶所

有沿邊州軍自合依遺詔施行又檢會元豐三年太常
禮院言續降朝旨民庶音樂已展過百日及自啟最至
祔廟畢仍舊其臣僚既為大行太皇太后于禮全服齊
衰不杖期其同天節開放雖係以日易月釋服後又緣
在期年之內準律疏期喪服內不許作樂所有臣僚合
依禮律候期年滿日詔三司沿邊州軍狀乞詳酌即得聽樂其沿邊州軍狀乞詳酌
施行從之詔三司沿邊州軍狀乞詳酌施行從之
大欽皇帝成服群臣衰服入臨奉慰如儀同日命宰臣
呂大防為山陵使戶部尚書李清臣為禮儀使御史中
丞李之純為儀仗使權兵部侍郎韓宗師為鹵簿使龍
圖閣直學士權知開封府錢勰為橋道頓遞使侍衛親

施行從之

軍步軍副都指揮使姚麟為修奉山陵都護入內侍
省都知張茂則為山陵都大管勾行宮事同日群臣上
表請聽政自是七表始從之 十日命尚書右僕射范
純仁撰哀冊文并書門下侍郎蘇轍撰謚冊文并書冊
寶翰林學士顧臨撰謚號文是日步軍副都指揮使姚
麟等言檢會元豐二年都大提舉修奉皇堂所申所役
諸州人兵內有避見土後逃走往諸處首獲逐處依例
收禁移牒會問因依方行結絕動經一兩月有誤修奉
工役欲乞指揮如首獲修奉人兵並令畫時牢固差人
監押轉赴陵所從之 十一日禮部太常寺言準遺誥
節文大行太皇太后崩依章獻明肅皇后典故施行勘

會士庶軍民禁婚娶等緣上件禁例不全今檢準慈聖
光獻皇后故事文武臣僚之家並候將來九虞祭畢為
卒哭許嫁娶其軍民即過禪除仍不用花彩各候聽樂
日依舊從之 十二日山陵使呂大防奏修奉乞差役
兵二萬人內廣固人兵有條不許抽差今修奉事大乞
就差前去御批廣固人兵不差其所缺人數於諸路軍
差撥又奏乞應提舉京城汴河隄岸諸局并寺監管下
諸色作匠據合銷人數並行抽差後使如有闕數仍許
於內外官司抽差或令和雇應副若拘礙一切條禁並
不許占留畫時發遣御批修京城人不差所有汴河隄
岸諸局造作及寺監除應奉山林物色的確合使人數

外餘依所奏施行 十四日樞密院都承旨范純禮入
內內侍省押班梁惟簡奏臣等准勅差充太皇太后山
陵按行使副未審陵園依慈聖光獻太皇太后陵作七
十五步或只依故事以六十五步標定詔依慈聖光獻
太皇太后封標十六日葦于崇慶殿之西階羣臣進名
奉慰 十七日詔曰朕恭以太皇太后保祖宗之基命
定社稷之永圖德參二儀功冠千古今晉天喪恃四海
同衆雖築陵高于大山備禮殫於萬物願無以報亦未
為多惟遵奉於訓言益光昭于儉德以對在天之威烈
以揚愛物之遺仁緣山林非久修奉慮有司過有煩勞
枉費人不能仰承遺誥務遵儉省之意其令尚書戶部

斟酌應付毋得寬剩計置除京西路轉運司自合供辦其諸道非拋降毋得妄有進取咨尔中外當體朕懷二十二日中書舍人呂陶假龍圖閣直學士為大行太皇太后遺留北朝國信使左藏庫使郝惟立假西上閣門使副之同日三省樞密院奏今月二十二日獲侍天顏伏觀陛下猶御經杖之服乞依祖宗舊制及遺詔處分以日易月用小祥變除之制奉御寶批禮雖有時變之文朕實行三年之喪於宮中理所不忍遽易衰服宜體悉之臣等愚昧不達大體敢用近世權宜之制聞於宸聽伏奉批詔方知宮中實行三年之喪有以見聖德隆厚篤於典禮然將來大祥禫除若依定儀須俟釋服

方行慰禮欲望將來禪除日不俟擇服即行慰禮從之
十月一日群臣上表請御正殿自是五上表乃從之
二日上御迎陽門見群臣哀動左右 三日上御崇政
殿親政 六日三省樞密院同進呈翰林學士顧臨所
擬太皇太后聖諭請用宣仁聖烈四字呂大防等因稱述
太皇太后聖德中外所以欣戴者施恩而不私外嚴而
內寬不用兵不任刑恭勤儉約度超前古上曰太皇太
后性雖嚴而慈宮中事儉約常服多用補衣唯恐人之
知也裝奩中物雖藥玉之類亦無尸牖之飾但用小漆
簾帷質素皆卿等所嘗見至於珍寶玩好一未嘗有比
送北朝遺留物乃取於奉宸庫大防等再三誦嘆以謂

前世所不及上曰自古無也顧四字諡豈能盡其美
七日尚書戶部郎中郭茂恂兼權京西路轉運使應副
山陵事務 十一日詔正任觀察使已上見無疾病者
宜令隨從靈駕至山陵餘宗室宗女宗婦并特與免行
十一月一日上御垂拱殿 九日群臣尚書左僕射兼
門下侍郎呂大防等赴太廟請諡十一日翰林學士顧
臨請上尊諡曰宣仁聖烈皇后詔恭依議曰洪惟大行
太皇太后考高陳王武烈王之孫也妣鎮國太夫人曹
氏武惠韓王之孫也武惠事太祖太宗削平僭偽混一
區宇有慈勇不殺之仁武烈事真宗有見危致命協策
平難之義二人咸有大勲勞紀于太常茲所以發祥演

慶誕降睿聖配英皇生神考保佑聖孫德備道隆巍巍
乎其極三后之崇也方英皇龍蟠濮邸乃公姓承革履
秦之時厯數冥會天作之合夙夜相與稽求經訓博觀
史氏厯代之載樂將終身焉仁皇在御日月久春秋高
天下之本未立眷求宗藩燭見潛隱試難皇子正命儲
宮嘉祐末年乃位天德配體儷極母儀四方黃事慶壽
師其矩度忘崇高之奉彌以敦素為修身刑家之本其
服御願非敝極雖更厯年紀未嘗輒易以苟費天物敬
以婦道風天下駿惠我慈聖之儀則克相英宗紹仁宗
之休榮薄海內外罔不配天其澤迨英宗厭代神考繼
序崇慶寶慈敬致色養益懷謙抑以尊東朝清明內融

仰稽天若起心道微冷然乎萬物之表日輝舊學覃思
前往增益其所自修元豐八年神宗寢疾請同聽覽俄
鼎湖工仙玉几遺命擁保聖嗣出震繼照共御延和制
政四海安正明微不踰防範以至拜慶冊禮上壽坤成
卒避臨前朝以推隆乎先后監觀前世后族之家怙勢
于政亂國殄家昏迷顛覆相踵而不戒首訓飾厥家母
得妄祈恩寵以玷國章乃大出所奉營第合族享其慨
入畢給常養博我親仁以修正人有擬仲父踐更有勞
請擢置法從明諭非欲以戒開寵有以恩入官者實繁
宜以時損首裁外家以申厥命妙選坤樞咸屬賢閥興
言滿盈確乎不可肇自治平格于元祐歷年踰世家無

一人翺翔任事乎顯要之路咸以抑畏退藏承教自勵
因或一毫倚私冒謁諸朝先帝之後其內親外戚左右
之御臣惟朝夕論德流涕而無平時僥倖之虞考詩任
如徽音相承以隆周家而光絕乎後其治內有如此者
體坤用乾妙乎其不為首研極論桓以統百官代天器
工分人庶務未嘗出聰明見識莫專智擅事或罹偏吝
之累曠然凝默以仰厥成故當國大臣敬委任責咸得
以程大猷中故實曲列詳說周旋事情以承可否之命
尤屏絕側聽峻防姦幾付之庶謨大同乃繹增置諫員
審求端士俾危言篤論不留情暢乎上聞以疏壅塞
之弊聽受之際一以民為度民之所欲者行民之所否

者并無所為而不與民同者故天下之民不能離而議也間或六氣戾和三辰異軌則輟食忘寢反復究有詢過于朝引咎于天側身咨嗟感動中外二帝三王之所以治天下不過乎是其治外有如此者履天下之利勢運天下之利用不出閭閻九年之間無內外之難泰定絕終由古以來未之有也聖心曲妙不可形容竊用民言考髣其跡尊賢在位使能在官貴老興教哀窮恤隱有徭惜力薄賦厚生常武戢兵平法輕刑蠲藏惠民去吝濯俗惡夫愚婦咸乎大公夫是之謂宣教嚴其在已起裕其在人內無諸華外無四夷衮衮一視允懷如傷夫是之謂仁研幾趨睿迪順佑神統業言動茲而復發

惟恐一物不當有憂乎上帝之心始卒一誠二配俱極
夫是之謂聖政貴有常人惟求舊九釐百度以定衆志
倍其篤實披靡浮華純素之風乎近決遠克相上帝寵
綏四方詒謀燕翼丕承列聖之鴻緒以固無疆之大業
夫是之謂烈臣謹按謚法聖善周聞曰宣施而不私曰
宣克己復禮曰仁功施于民曰仁窮理盡性曰聖裁成
萬物曰聖秉德尊業曰烈安民有功曰烈合時衆美宜
敬承乎祖宗之命光大其徽稱以信無窮之傳謹上尊
謚曰宣仁聖烈皇后 十八日三省奏門下侍郎蘇轍
言奉勅撰謚冊文謹先進呈詔恭依 二十八日詔應
修奉山陵兵級等當此雪寒可特支賜 十二月二日

禮部太常寺言太皇太后諡號勅下按故事山陵未畢稱大行太皇太后掩皇堂畢稱宣仁聖烈太皇太后祔廟題神主稱宣仁聖烈皇后從之 十四日遼國祭奠祭奠于慰使副到闕入奠于慶壽殿并進慰書文武百官並詣殿門外進名奉慰 十六日尚書左僕射兼中書侍郎范純仁奏奉勅差撰 宣仁聖烈太皇太后哀冊文謹先進呈詔恭依二十六日羣臣詣慶壽宮上大行太皇太后諡冊冊文曰孝孫嗣皇帝臣哲宗再拜稽首言臣聞聖人之興默契天運昔真宗仁宗之際章獻臨御歲周一紀實能協合神人以綏靖國家逮我聖考蚤歲萬國惟末小子未堪多難則亦聖祖母躬受其難

始終九年臣民以寧社稷以固欲報之德未獲其所惟
周人以諱事神以謚易名明詔聖德以示後嗣庶幾不
忘世以為憲恭惟大行太皇太后實天生德作合皇祖
無私如天博愛如地內自宮省之祕外薄華戎之廣丕
冒德澤以生以成昔在景德北戎弗若時則武烈參定
大計師于直淵克遂有功南北底定垂九十年民獲養
生送死功書鼎彝澤加于後及我仁祖將援宣孝以奠
天位亦惟慈聖實以從母先識潛德宜于室家施及朝
廷元豐之末天地震烈疾方彌留群公卿士拱手相視
罔知所措而大策中定與天為謀肆時冲人實主神器
帷幄既施號令時敘稽于衆庶庸一二老政無舊新以

便民為先人無戚疏以守正為用故士耻奇袤民知嚮
方耕田而食遂底于今雨暘小愆責躬菲食饑饉食告
振廩輟漕憂世之心常若不及人賴其賜神享其誠薰
然和平無大灾害間修咸平之政大弛逋責中外所釋
以千萬計饑寒者得以衣食流散者得以安處歌舞之
音流于四方遼人恃和時肆捐姦一聞信義歛然知畏
迄無一言之爭夏人恃遠更出侵擾一被恩德屢畔仍
屈卒為乞盟之計雖燕處于中壺寶大入於萬邦究觀
設施莫見其朕惟約心以公自二王一主泊于外家均
遇以法無僥倖之求處躬以儉自飲食服器至于宮室
取足于用無華靡之飾雖履大位以天下養而歲月之

奉子弟之薦猶視長樂之故是以資戚近習相視而愧
元臣耄老聞風而嘆不言而化成不威而心服自三代
漢唐一人而已若夫先後舊儀具在有司每自抑畏置
而弗舉受冊之禮當在文德也而退即於崇朝明堂之
賀當在集英也而儀止於東闈將成宣光則原廟之設
自處于治隆將損任子則族人之恩下比于列辟凡輕
于約身而重于違禮推之庶政蓋有不可勝言者矣臣
夙遭閔凶未習師保之訓提攜閔閔若農之望歲誘之
以詩書之樂滋之以勸講之良示之以聽納之寬導之
以決斷之明久而不忘遂以成性方將率德以自廣致
養以盡誠而命之弗知哀恫邦國臨朝惘然未知攸濟

易月之制既弗敢違因山之期茲復以告是用博訪于
卿士受命于祖宗惟德之至不可以名言而功之隆不
可以數舉故因古人一惠之義益以累朝四謚之法庶
以盡子孫之誠而慰海內之望謹遣攝太尉守尚書左
僕射兼門下侍郎呂大防奉冊寶上尊謚曰宣仁聖烈
太皇太后伏惟靈德在天令名垂世光配廟祔賁於太
史歿而不忘永永無極嗚呼哀哉 又上謚寶畢群臣
退赴宮門外奉慰及慰皇太后 紹聖元年正月一日
群臣及遼國使副詣西上閣門進名奉慰五日侍衛馬
軍都虞候呂真充靈駕都總管詔元豐庫支錢十萬緡
絹七萬匹應奉山陵支費從戶部請也又詔賜山陵修

奉兵士等特支錢有差 九日啟最前一日文武百僚
詣崇慶殿奠酌 十日啟最宮文武百寮詣崇慶殿立
班禮畢奉慰于皇儀殿門外晡臨訖退 十一日朝臨
至發引日止 十四日禮部太常寺言欲依學士院議
永厚陵於下宮告遷奉安英宗皇帝大行太皇太后御
容祝文其皇后行禮欲稱孝孫嗣皇帝御名謹遣孝孫
婦皇后妾孟氏從之 十五日內降禦製太皇太后挽
詞四首付禮部詔以發引前一日鹵簿伏陳使于宣德
門外輔臣宿本司 十六日發引上啟奠于崇慶殿祖
奠于庭遣奠于宣德門外百官陪位中門下侍郎蘇轍
讀哀冊 冊文曰維元祐八年歲次癸酉九月丙子朔

三日戊寅大行太皇太后崩于崇慶宮之壽康殿旋殯于崇慶殿之西階有司奏謚曰宣仁聖烈粵明年二月癸卯朔七日己酉遷座祔于永厚陵禮也策殿帝空祖庭燎掩雲似卻以復疑月雖輝而如慘孝孫嗣皇帝臣哲宗臨遣殿以興哀瞻振容而永慕鳳吟管以何悲龍扶酒而若駐羽衛羅闕神儀布路爰制近司紀陳聖度其詞曰皇矣太宗寶命自天重明累聖跨成軌宣正后在中契於坤乾校仕凡姒亦瑞日符是興大母於鑠大母節義率仁居靜猶地含和如春正素自稟聰明風聞作合英祖齊昇並耀受養神考陰功善教體道不違惟德是効元豐末命帝念惟辟聽斷勉同以補天隙擁佑

神孫立民之極公以莊人儉唯化俗永有大練食無片
玉房闥不出四海在目信義由中九夷思服如鑑不塵
如瑾不緇三事大夫正直是咨宗藩外戚滂澍惠慈人
爵王官雖畀不私廟謁靡行外朝靡踐池禦靡臨唯政
是勉服御靡更唯慈是善庸示萬方為則為典左右皇
躬日就月將動有廬宇居由範防造次于是寢隆且昌
如天清明霽日之光治化方成憂勞亦至外若平居中
潛構屬坤軸軋以夜摧月輪翩而曉墜曾大化之靡怛
尚斯民之為義嗚呼哀哉珠箔低垂兮雲霧猶隔總帳
髣髴兮爐烟未消想仙馭以何通謝人衆而已遙萬乘
號慟哀纏九霄千官縞素雨泣東朝嗚呼哀哉人與神

兮變何速秋復春兮時已徂犧盈兮未忘于平昔綽動
兮難留于須臾翼八翼以為衛陳六衣而汜塗嗚呼哀
哉野蒼茫兮人漸遠仗徘徊兮天欲晚邈洛澗兮嗟備
物之如在適羣岸兮知神遊之不返山川已兆於真宅
松栢猶疑於故苑嗚呼哀哉玉晦龍蟄金藏鑑昏泉闕
掩宸宮闌泣晨車孰同兮雖來于萬國寶座閉兮唯朝
於百神魚為炬以非日鴈長飛而不春嗚呼哀哉成內
則于三朝貽素風于千祀致理之勤兮今往大道之公
兮古如此何遠其家以為國而憂其民之猶子宜大書
而作冊俾永光於宋史嗚呼哀哉上自崇慶殿步哭導
梓宮至宣德門外遣奠禮畢哀服還宮百官辭靈駕于

板橋 十七日羣臣詣西上閣門進名奉慰及慰皇太后于內東門 十八日賜山陵修奉提舉採石官以下錢絹修奉總管以下銀絹各有差 二十八日禮部言將題號太皇太后神主謹按章獻明肅皇后神主題云章獻明肅皇后劉氏神主詔依故事 二十九日山陵使司言虞主至京入瓊林苑依迎入右掖門量排香燈輦輿與繖扇細仗導引入苑從之同日開封府言請依元豐三年慈聖光獻皇后掩皇堂禁屠宰三日從之 三十日賜京西轉運司西京河陽鄭州山陵應奉官銀絹有差 三月一日中書省言山陵使司奏應緣山陵用度欲依故事差戶部郎官郭茂恂右通直郎呂由誠會

計編錄具冊以聞從之 五日葬于永厚陵掩皇堂文
武百僚俟時詣西上閣門奉慰 八日樞密院言宣仁
聖烈太皇太后虞主祔廟差昭宣使入內內侍省押班
馮宗道都大提舉神主祔廟一行儀仗 十二日虞主
至奉安於皇儀殿皇帝奉迎行禮畢文武百寮詣西上
閣門奉慰初虞主將至皇儀殿門上望輿輿哭盡哀
十三日上行虞祭禮文武百寮立班退詣西上閣門奉
慰至十五日止 十六日上詣皇儀殿行卒哭禮文武
百寮立班退詣西上閣門奉慰 十七日虞主祔廟上詣
皇儀殿行告遷禮訖上前導虞主至宣德門外奉辭訖
赴太廟皇帝還宮俟祔饗訖文武百寮赴西上閣門奉

懋初虞主降皇儀殿上步導出門見執蓋者顧左右
卻之自皇儀門前導且行且顧既再拜奉辭禮官贊請
還幄上不聽南向久之詔從駕諸班直及神主祔廟禮
畢執儀仗兵員並賜特支錢有差 二十一日德音兩
京河陽鄭州減死刑釋杖罪公山陵科率蠲復賦役應
奉行事官量與恩澤開封府界提點府界諸般勾當文
武官河陽汜水府界中牟知縣賜銀絹有差 二十四
日山陵了畢五使以下管勾等官祔廟畢宰臣以下應
奉行事官並賜器幣有差兩該賜者從一多給 七月
十七日禮部太常寺言今年九月三日宣仁聖烈皇后
小祥按先降勅三路沿邊臣寮祔廟畢許用樂其餘並

候一年今及小祥合候十月一日臣寮開樂又在京禁
樂日分見依典故申請外小祥故事例案不全無外州
軍禁樂體例詔依慈聖光獻皇后大祥故事將來小祥
日在京臣寮奉慰行香外州軍行香禁樂應依故事內
外合設資薦道場處並差人排辦餘從之 八月一日
詔九月三日小祥酌獻于崇慶宮前後禁樂各三日不
視事各二日禁屠各一日 九月三日小祥羣臣詣西
上閤門內東門奉慰二年九月三日大祥上行禮于神
御前百官奉慰 十一月十五日禪祭宰臣率百官奉
慰 三十日禪除宰臣率百官奉慰

宋會要 欽聖憲肅皇后

徽宗建中靖國元年正月十三日夜皇太后崩於慈德殿翌日百官入班殿庭尚書左僕射韓忠彥宣遺誥於殿之西階曰吾宵于相門作配神宗逮事英宗母儀三朝惟社稷是憂惟臣民是恤積勤邁厲累月弗廖皇帝天性誠孝夙宵左右衣不暫解藥必親嘗襍禮祓除靡所不至間雖小愈卒至彌留生必有終天地之道修短之際亦數之常吾昨遭時艱難親決大策屬以聖意勤請與聞政機曾未踰年遽復明辟既從容東朝以享天下之養而擁祐神聖以為天下之福年垂耳順往從承祫之遊靜惟乃心尚復何憾皇帝以宗社大計為念無過哀傷更賴臣鄰共與開釋仍追尊故皇太妃為皇太

后其典禮並依章懿皇后故事皇帝成服之後三日內
聽政服紀以日易月在京文武百官十三日而除諸司
長官及近臣觀察使以上臨于宮庭其餘臨于宮門外
諸道州府長吏以下三日釋服軍民不用縞素沿邊不
得舉哀釋服之後勿禁作樂園陵制度務從儉有勉從
吾志勿事煩勞餘並依慈聖光獻皇太后故事施行宣
畢內外舉哀盡哀是日輔臣宿資善堂命延福宮使入
內內侍有都知梁從政管勾殿殿最事入內內侍有押班
閻安監造梓宮十五日百官入臨于慈德殿移班奉
慰工于殿之東廂輔臣陞殿問聖躰上哀恸過甚韓忠
彥等進曰皇太后久疾陛下有侍累月已極憂勞今復

過哀臣等不勝憂懼願上為宗社少寬聖情自此百官
朝脯臨三日止朝臨四日止宗室朝臨至成服日止同
日命門下侍郎李清臣撰哀冊文尚書右丞范純禮撰
謚冊文翰林學士王覲撰謚議同日中書省有言國庾修
奉深慮有司不能仰承遺誥務從儉省之意詔令戶部
並依往例斟酌的確合用之物不得過有寬剩除西京
轉運司供辦外不得於別路須索 十六日詔曰恭以
大行皇太后^遼事英宗輔佐神考保佑先帝遭國變故
首建大策援立朕躬艱難之初暫同聽斷日月未幾遽
欲復辟朕固請不獲勉徇慈旨退處宸闈游心道妙諫
尊鮮愧冲靜自居惟功隆德鉅福被天下永言圖報未

知所從今道命陵號乃重有貶損曷以仰酬慈德以慰
塞中外之望乎可詔有司易園陵曰山陵餘恭依遺詔
施行同日命尚書右僕射曾布為山林使吏部尚書陸
佃為禮儀使兵部侍郎何執中為園簿使吏部侍郎張
舜民權儀仗使給事中兼權開封府溫益權橋道頓遞
使舜民益候羌正官日罷延福宮使入內內侍省都知
梁從政為山陵修奉都監龍神衛四廂都指揮使徐和
為山陵修奉總管延福宮使入內內侍省副都知馮世
寧為按行山林使入內內侍省押班閻安入內內侍省
東頭供奉官管勾御藥園閤守勲並都大管勾山陵事
尚書都官郎中曾孝序提調學生馬監高偉並為採石

官同日詔大行皇太后以回字為讞又詔山陵五使而
下並建頌追尊皇太后園陵并諭輔臣裁節山園陵浮
費凡所用不急非有益神靈者除之命戶部侍郎王古
主其事追尊皇太后欽慈皇后也事具後卷同日禮部
太常寺言檢會慈聖光獻皇后故事京城及諸道並禁
樂至百日文武臣僚之家九虞祭畢卒哭許嫁娶其軍
民即過易月禪除不禁仍不用花彩各候聽樂日依舊
欲依故事施行從之十九日詔下諸路差石匠六十
人赴陵所同日詔以皇太后遺留物賜輔臣有差二十
日命御史中丞趙挺之為儀仗使權禮部尚書豐稷為
禮儀使龍圖閣待制權知開封府溫益為橋道頓遞使

二十二日大殮上成服於慈德殿百官成服于內東門
入慰上于殿之東廂同日文武百僚上表請聽政詔荅
不允自是七上表乃從之 二十四日小祥上祭奠訖
百官褻服班慈德殿庭慰上于東廂 二十五日罷梁
從政山陵修奉以閻守勲為山陵鈐轄仍許往來照管
二十七日命權尚書刑部侍郎岑象求為覆按山陵
使入內內侍省押班劉瑗副之 二月五日詔靈駕發
引日宗室節度使以上從行餘悉免 三省檢會故事
慈聖光獻皇后山陵從者二十一人宣仁聖烈皇后山
陵從者六人近以覃恩正任員多而節度使止六人故
有是詔 七日大祥皇帝釋服服素紗垂脚幘頭淡黃

袍緞鞋黑銀帶文武百官並服素脚幘頭黧色公服黑
鞋帶是日百官並赴慈德殿陪位祥祭訖移班慰上于
東廂及詣內東門進名奉慰 八日山陵按行使馮世
寧言得地于河南府永安縣鳳臺鄉詔遣內侍齋圖示
覆按所同日禪除群臣入臨奉慰 十日文武百寮左
光祿大夫尚書左僕射兼門下侍郎韓忠彥等上表請
御殿詔荅不允自上五上表乃從之 十一日殯于慈
德殿之西階百官班臨慰上于東廂次詣內東門進名
奉慰 十三日太常寺言大行皇太后山陵一切法物
欲依元豐二年慈聖光獻皇后山陵故事大昇輦一百
五十人輜車挽士二十人哀冊車諡冊車諡寶車爲輦

熏車魂車香車重車城門外梵銘旌車買道車方相氏
金四目黑衣朱裳執戈揚盾載於車自哀冊車已下並
駕牛駕士二常服白幘弩素信幡戲山昇二黃白紙帳
二暖帳夏帳各一十味臺盤一衣物昇佛熏二挽歌三
十人釋八翬八花釵禮衣一副漆梓宮夾衾一障梓宮
翬十二柄十二時辰各一當墻當野祖明祖思地軸贈
玉一段刻木控鶴官二十人刻木內人二十人像生器
物五十事屏風一掩障一像生牀椅四副音樂隊神御
帳一宮城一園苑一苞牲輿三蓋并一輦儀郭一并車
蒼餅昇一招幡子二十個玉轂昇一像生駝二十像生
馬二十像生車擔羊群二國白幕惡車三乘渾刷白布

幃簾駕士白布衫中桑木栗木神主各一座并跌匱膏
并曲几箱祀等浴神主盆太廟添修石室一一皇堂開
墦下深六十九尺填築六尺面方二丈五尺石地宮深
一丈明高二丈一尺鹿巷長七十二尺一神臺高四十
一尺下脚一十九步計九十五尺一神牆高一丈三尺
一山門角闕各大辦高二丈七尺次辦高二丈三尺小
辦高一丈九尺一鵲臺二座各大辦高二丈七尺次辦
高二丈三尺小辦高一丈九尺一乳臺二座各高二丈
七尺一神門四座每座三間各四椽四鋪作事步間修
蓋深二丈平柱長一丈二尺一獻殿一座共深五十五
尺殿身三間各六椽五鋪下昂作事四輔角二厦頭步

間修蓋平柱長二丈一尺八寸剝階一十六間各兩椽
四鋪下昂作事四轉角步間修蓋平柱長一丈一闊亭
二座每座五間各四椽四鋪柱頭作事深二丈二尺每
座二廢一轉角柱高一丈二尺一鋪屋四座每座二間
各兩椽單科直簷作事深一丈二尺柱高八尺一宮人
二箇各身高八尺背濶二尺三寸一獅子八箇各高六
尺一寸已上至六尺六寸已下背濶二尺七寸一文武
官四箇各身高九尺以上九尺三寸已下背濶二尺七
寸一羊四箇坐高六尺一寸背濶二尺三寸一虎四箇
坐高五尺六寸背濶二尺二寸一馬二匹各高五尺三
寸頭尾長九尺鞍轡事件全犯馬官四箇各身高八尺

背闊二尺二寸一望柱二條各高一丈三尺二寸徑圍
七尺八寸一門下合二段各長一丈二尺五寸闊六尺
厚二尺越額一段長一丈八尺高四尺五寸厚二尺五
寸挾二段各長一丈二尺闊二尺五寸厚二尺直額一
段長一丈八尺闊四尺厚二尺五寸門砧二段各長五
尺闊二尺五寸厚二尺門砌三段各闊厚二尺二段長
各六尺一段長三尺一櫺鎖柱一條長一丈三尺五寸
闊二尺厚一尺五寸一漆燈盆一座計二段盆一段高
四尺五寸徑三尺座一段方二尺五寸厚一尺一蠟燭
一段高二尺徑一尺五寸從之 同日上服素紗幘頭
淡黃衫黑犀帶御迎陽門百官起居宰臣跪請聽政訖

與親王宗室侍從官以次陞殿奉慰上掩泣久之
日太常寺言故事葬先軫而後重祭先重而後軫追尊
皇太后宜以五月六日寅時掩皇堂大行皇太后宜以
巳時掩皇堂從之 十九日封山斬草二十二日詔何
執中入國日令徐勣兼權兵部侍郎充山園陵鹵簿使
三月八日宰臣韓忠彥率羣臣請謚號於太廟 議
曰臣聞古之欲明明德於天下者先治其國欲治其國
者先齊其家故舜帝之所以帝始于媯汭之嬪文王之
所以王本乎關雎之化蓋身修而後家齊家齊而後國
治國治而後天下平者王道本末之序也恭惟 大行
皇太后生於慶門世濟勲德在父母家已能躬儉好禮

不以公卿之閥驕其心方神宗龍潛穎邸天作之合共
遵詩禮之訓交修子婦之道及帝握乾符御大寶憲章
一祖四宗維圖之具稽考二帝三代善裕之道登延雋
髦崇尚經術以隆萬世之業后亦正坤儀講內治上以
奉處壽崇慶之歡下以廣克置麟趾之實恭承明祀述
宣陰教以為六宮之率故神考之修德威烈流于無窮
慈德之徽音茂實光于不朽此家齊國治而天下平之
顯效也承天儷極十有九年饗東朝之養十有七載率
履不越謙尊而光於求賢則懷輔佐之志於鞠子則推
均一之愛服御簡素不玩珠玉鑒觀圖書增益自得深
戒私謁未嘗以親屬干朝廷神宗每訪家事終無所言

錢務未決或以試之從容析理多出常情之表遇待日
隆文簡盛族支派蕃衍纖介偶聞切責隨至於是成
謹恐懼之福無驕奢傲慢之咎每歲推恩宗黨法有定
數以次及之罔或偏厚哲廟繼統之初宗慶預政之際
裨益宏多中外陰受其賜詎哲宗富于春秋不憚未幾
遽至大漸弗及馮玉几見羣臣人情怵懼神器震搖獨
仗大義靜重自若尊揚末命援立仁聖措天下於泰山
之安其守正不惑有如此者皇帝踐祚權宜同政御後
殿近制也辭之而弗處避家諱常禮也戒之以無諱事
無易難克己不吝心無適莫惟善是從始終數月之間
屢申退託之命皇帝泣涕祈懇至于累旬確乎不從遂

復明辟其委遠利勢有如此者還政故事褒崇外氏崇
回宗良議皆寵以異數詔旨欲宣堅持不下帝雖數請
慈意莫回後不得已纔聽易鎮其惡盈防患有如此者
不豫之日皇帝衣不解帶藥必親嘗需恩多方禱福群
望疾稍間所語者軍國遠慮而已言不及佗固宜享萬
壽無彊之休而遽棄大養因山有期昭行以禮臣竊嘗
採風雅于古詩考紀傳於前史有后妃之德者或無遭
變之功有遭變之功或致專威之誚至於功德兼隆美
善俱盡奇偉個黨未有如大行皇太后之全也然則雖
欲形容詎能髣髴惟是孚於詔令頌于士民巍巍乎其
著明者乃獲粗陳其梗槩焉若夫精微妙密則何能名

之有謹按證法敬事節用曰欽威儀悉備曰欽通達先
知曰聖揚善賦謀曰聖型政四方曰憲聖能法天曰憲
剛德克就曰肅執心決斷曰肅不加飾於簪珥惟致美
于禕褕升降進退皆有法度左右親信罕見惰容可謂
敬事節用矣可謂威儀悉備矣坐鎮危疑洞察情偽於
天人相與之際有著龜先見之明其動也時能斷大事
可謂通達先知矣可謂揚善賦謀矣母儀三世兢兢終
身淵默尊嚴嬪御自化海隅蒼生風靡誠服可謂型政
四方矣可謂聖能法天矣內健外順好謀而成以天下
之大公任天下之重責力安宗社澤及生靈可謂剛德
克就矣可謂執心決斷矣禮是衆美集為大成質諸鬼

神而無疑蔽乎天地而無愧斯足以振盛典垂鴻名正
有烈光以昭後世大行皇太后宜敬承祖宗之命上尊
諡曰欽聖憲肅皇后禮畢列名奏上之詔恭休 十一
日輔臣欲以大行皇太后為欽慈憲肅追尊皇太后為
欽聖上曰慈聖宣仁皆有聖字宜以大行皇太后為欽
聖憲肅追尊皇太后為欽慈輔臣皆頓首稱善 二十
一日詔大行皇太后追尊皇太后發引命官分導于靈
前 二十八日詔四月四日以大行皇太后諡冊告廟
是日遂上大行皇太后諡冊於慈德殿 四月一日太
常寺言按故事大行皇太后啟蕞前三日在京禁樂祔
廟畢仍舊所過州府縣鎮候虞主回京仍舊從之 二

日啟最前日宰臣率百官奠于德德殿 四月以大行

皇太后諡冊告廟是日遣宰臣韓忠彥上玉冊玉寶于

德德殿

冊文曰孝子嗣皇帝臣

徽宗御名

再拜稽首言曰

竊惟詩人推本周文王之功德曰文武初載天作之合

自古帝王之興必有聖女以助內治以陰教表裏協濟

王功以隆而後能同享太平之福嗚呼非天眷命于有

邦其曷以臻此惟我烈考聰明齊聖緝熙五聖之道緒

興起萬世之長利惟我聖母應期挺生粵自潛邸作配

宸極肅正中闡敦睦九族法度形于燕閒恩惠逮于微

賤俾我烈考之德孚于朝廷丕冒海宇惟予小子幼被

撫養顧復之恩長受教誨勸導之益延入翼室用端命

于上帝方圖內承東朝之訓外竭四海之養而否德薄
祐天降割于我家亟奪我聖母芣芣在疚日月于邁有
司稽古將節惠以易名惟小子曷足以仰窺淵懿敢祇
述所知以昭後世恭惟大行皇太后徽柔肅雍恭儉慈
愛實我咸平相臣文簡公之曾孫維時文簡輔我真祖
勤勞在官垂裕乃後是產淑哲與聖俱興志在女工婦
道已茂正位于內三十餘年夙夜儆戒靡有違德慈聖
宣仁兩姑並尊承顏三宮孝恭承慈元符之末國統弗
嗣相臣異心大計杌隍中外震懼寒心拱手惟我聖母
稽謀神祇憲章典禮力援眇躬大統以定惟平日退託
潛德弗耀而任大投艱克有餘裕片言析理兇狡震服

所謂坤至柔而動也剛雷聲而淵默者歟惟宗社有奉
神人有依實自我聖母祇率故事恭請同政至于再三
勉與聽斷蕩宥多辟冤滯昭蘇決去蔽蒙人才咸叙華
夏蠻貊戴白垂髻聞風歡呼喜氣橫流休功美利申固
景命亦惟我聖母而乃夙夜克自抑畏視事不臨於便
坐私諱不行于外庭不敢自同先后而復速鑒前古期
以泰陵祔廟退處房闈既又謙懼亟降璽書曾未及期
已復明辟友愛二弟恩恤篤至而憂其扶貴請外不許
宮室器服無所增廣不為浮麗可喜之觀嗚呼為天下
之母而躬賢哲難能之節當太平盛世而謹古今易忽
之戒可謂明哲純德鮮儼矣卜宅爰從因山既歲是用

咨于卿士受命祖宗惟道大不可形以名言德厚不可盡以稱謂謹稽四謚之法畧舉衆善之端以慰臣民以示子孫謹遣攝太尉左光祿大夫尚書左僕射臣韓忠彥奉冊寶上尊謚曰欽聖憲肅皇后恭惟神靈在天休聞在下光于清祐表于有宋億載萬世與國無極嗚呼哀哉禮畢百官退赴殿門外奉慰是日大行皇太后啟戴百官朝臨于懿德殿上行祭奠之禮告遷梓宮于兩楹之間百官奉慰遂晡臨自是百官朝臨三日止十四日以大行皇太后發引前三日百官服初喪服臨于懿德殿自是日一臨前一日仍晡臨十五日內出御製挽詩五章付禮部十七日大行皇太后靈駕發引

上啟奠于慈德百官入臨奉梓宮陞龍輅祖奠于庭遣奠于宣德門外百官陪位攝中書令李清臣讀哀冊冊文曰粵建中靖國元年歲次辛巳正月壬戌朔十三日甲戌大行皇太后崩于慈德殿二月壬辰朔十一日壬寅殯于西階以三月壬戌朔八日己巳戒百官請命于太廟諡曰欽聖憲肅皇后太史筮之將以五月辛酉朔六日丙寅遷座于永裕陵禮也哀子嗣皇帝臣徽宗御名極永感之懷寫無窮之慕躬羞洞酌奉寧輅馭痛三牲之養勿至于遣奠悲萬壽之祝俄成於晞露警歎如在聲容不返畢銅史之餘滴動金商之清挽暑令忽其成淒薰風颯其變慘像設既嚴物儀具在惟是冊書用傳

不朽官以承詔式度事守紀美寓哀貽之永久其詞曰
我家隆康恩漸動植若逮及邇生成滋息超走賢智修
官懋職遐方四裔左袵重譯維相向公梁招宗祏達女
曾孫道家瑞國蚤歸王藩旋被褔翟至性溫溫令儀翼
翼道德禮學生知自得慶壽寶慈問安昕夕執養寒暑
端莊不易內輔神宗贊助陪益凡厥見聞徐為啟迪十
有九年晏粲版輶萬邦託慈六宮仰德約省外式湯沐
脂澤敬恭西竺檀旃簷蔔斯世丕平陰與多績比懿夏
商塗山簡狄姜嫄大如聯袂並舄元符三祀歲執徐直
正月己卯變同割眚巍巍哲宗武威文德天何弗佑忽
遘電竄上嗣考廟將決大策于將鴻臣或藏邪慝輒進

異論欲倒白黑賴我聖母沉潛剛克折之陞前氣彈語
塞庭羅犀渠門几闌戟龍德利見人家慶懌一指顧間
長寧社稷譬如媧皇神功妙則鍊石補天斷鼇立極冲
融宇宙泥濘深滌靡賢不登靡冤不釋臣嘗侍對與聞
訓勅曰我 皇帝聖材天錫子道勤陞政事祇惕治本
亂原講磨紬繹惠心溥博物理研覈帝堪多難予復明
明辟何俟祔饗始還禁闕幸濟初難後罔予責重下教
告亟就安適帝板以留懽款筴積數請弗回推璽欲籍
義盡今茲事高往昔在漢馬鄧固多慚色其于邦民憂
不離臆動履仁儉示先壺則服無珠璣器無金碧禁戒
雕繪棄捐組織言祖經墳習該儒墨諸書過眼疑旨洞

析統統瞿瞿殆忘寢食涼暄密移冷氣侵蝕皇帝聖孝
啟處在側藥密刀圭術窮鍼石禱禳山川猶期十億丹
劑雖靈冥冥終厄佛供晝昏喪氣夜赤禳象吉凶軒星
示圻數紀坤元景淪望魄五十六載馳光度隙嗚呼哀
哉梓匠奏工嬪娥罷飾帳殿先達殞堂徹席縞士鼎鼎
絳旌冉冉左背城闕右經阡陌教騎遶遶綈車嗚噫蕭
瑟悲吟國簿哆赫萬類奪輝四民聚戚御服直麻皇情
樂棘嗚呼哀哉霖雨故宮莓苔舊城龍魄蕭森獸扉虛
寂輦路鑑食孰非陳迹引望山園涕濡竹柏惟有微音
長留寶冊嗚呼哀哉上自慈德殿步導梓宮行且哭至
宣德門外立俟梓宮登大昇輦發引訖奉辭哀服還內

元祐皇后扈靈駕以行是日普安院追尊皇太后靈駕
同時發引百官辭于板橋退改常服入門翌日詣西上
閣門內東門奉慰二十七日大行皇太后靈駕至陵所
群臣奉慰五月六日葬于永裕陵掩皇堂群臣詣西上
閣門奉慰十一日虞主至自永裕陵群臣迎于板橋元
符皇后迎于瓊林苑有司行六虞祭上服韡袍素紗幘
頭黑鞵犀帶迎于內東門外奉安于皇儀殿群臣奉慰
十二日七虞祭群臣奉慰自是八虞九虞皆上親祭
二十五日上以祔廟前一日宿于懋德殿側輔臣宿
于本司百官宿于朝堂 二十六日奉欽聖憲肅皇后
欽慈皇后神主祔于神宗廟室 二十八日德音應兩

京河陽鄆州減死刑釋杖罪緣山陵科率蠲復賦役應
奉行事官量與恩澤 七月一日詔吏部尚書陸佃贈
太子少師起居舍人李昭玘放罷少府少監韓粹彥降一
官坐欽聖憲肅皇太后山陵奉虞主不恭佃嘗自言故
薄其罪 宗寧元年正月十三日小祥羣臣奉慰如儀
十月二十日禮部言來年正月十三日欽聖憲肅皇后
大祥依故事禁樂從之

宋會要 敬慈皇后

哲宗元祐四年六月二十八日美人陳氏薨贈元儀最
塗於萬壽觀 九年二月移葬多慶寺之東紹聖四年
四月贈貴儀 徽宗元符三年正月十二日徽宗入繼
大統詔有司議尊宗之典追尊皇太妃推恩外家逮其
姻戚崇奉園寢朔望歲時薦新 十二月二十七日詔
故皇太妃園寢封地除塋城外皆勿禁以有司奏欲毀
氏墳九百六十所民居數百區故有是命 建中靖國
元年正月十六日詔曰朕惟守位曰仁事親者仁之實
教民以孝因心者孝之先嗟然眇躬幼失所恃有霜降
露濡之感無昏定晨省之因隆祐神慈具言於道訓章

懿盛典並列于有司明告治朝追榮顯號故皇太妃陳氏柔儀端靖淑德齊明標茂範于皇闈藹徽音于彤史輔佐永裕肅雖內庭誕育冲人續承大統彼蒼不弔陟此纏哀聞雞猶想於問安吹棘徒增於墮涕既不能致四海之養衛恤無窮將何以報昊天之恩崇名為慰用廣如存之敬以伸終慕之情宜追尊為皇太后仍令所司擇日備禮冊命詔大行皇太后山陵五使而下並兼領追尊皇太后園陵又詔祔葬永裕陵同日三省進呈章懿皇后故事仁宗皇帝詣園寢者四一展告二上謚三啟策四發引上不欲數出城將減上謚餘如故事并諭輔臣裁節山園陵浮費凡於用不急非有益神靈者

除之命戶部侍郎王古主其事 十八日命同知樞密

院事蔣之奇撰哀冊文并書中書侍郎許將撰謚冊文

并書冊寶給事中兼直學士院徐勣撰謚議同日太史

局言園陵斥土宜用二月十九日發引用四月十七日

大葬用五月六日從之 二十日詔皇堂視大行皇太

后制度修奉 二十七日命權尚書刑部侍郎岑象求

為覆帳山陵使入內內侍省押班劉瑗副之 二月三

日詔以三月六日拆葺四月四日啟櫨 八日太常寺

言請俟易月畢詣園寢行展告追尊皇太后之禮御史

臺請自園寢設追尊皇太后路發並從之 十三日詔

追尊皇太后四月五日啟葺宮進大昇輦發引赴多慶

院俟車駕親詣行禮訖靈駕赴晉安院權奉安有合行事欲依下項一闕守懃劄子欲乞自三月六日使行拆去追尊皇太后增修神臺且留舊墳塋軍令儀鑾司殿縛幕殿俟啟辰前五日將塋罩及地宮拆去取見梓宮開修隧道即用幕罩幃進龍輜至神門外上大昇輦聖駕行遣典之禮畢長行至晉安院殿前設幕殿奉安就大昇輦添飾梓宮了先降封殯使司今相度欲令于啟辰前三日漸次拆去塋罩至初三日拆去地宮見梓宮開隧道用木罩幃掩覆俟初五日啟奠行禮畢進龍輜奉梓宮發大昇輦赴多慶院幕殿權奉安以俟聖駕行遣奠之禮畢進發赴晉安院其初三初四日五使並宿

衛于多慶院幕次餘依闕守懃所申施行一多慶院晉
安院合設置奉安幕殿并准備內人及五使以下幕次
並令頓進使司都大管勾所貼定地位次令儀鑒司嚴
縛陳設并其餘各排辦事件令頓進使司預行計置一
啟奠行事并遣奠讀哀冊文合用儀注及合排儀仗應
合行事件並令禮兵部太常寺限三日詳議聞奏貼黃
據禮官稱啟攢日有啟典更無祖奠之禮止俟聖駕到
多慶院讀哀冊行遣奠之禮一防護軍兵等令馬軍司
選差押教使臣一員量帶人馬五百人騎同已差下軍
廂主管押于四月初三日赴多慶院并本地方都同巡
檢帶領本頭項人馬同共巡宿一多慶院頓進已降指

揮令兼管晉安院頓慮兩處管轄不前欲令頓連使司
更切相度如合別差官分頭管幹即具合添員數姓名
申使司奏差事畢先次減罷從之詔以四月四日多慶
院追尊皇太后啟最須慈德殿大行皇太后啟最禮畢
乃可出宜以五日啟最宮權赴多慶院禮頓俟車駕行
遣奠禮畢赴晉安院奉安 十四日太常寺言故事葬
先輕而後重祭先重而後輕追尊皇太后宜以五月六
日寅時掩皇堂從之 十九日封山斬草 二十三日
詔啟最日服衰 三月一日以追尊皇太后啟最命園
陵使曾布奏告宗廟社稷 八日同知樞密院事蔣之
奇言詔撰謚冊文檢詳故事或稱太后或稱皇后某氏

惟祭別廟者加太字而祔太廟者去太字祖母則稱太
皇太后崩亦如之加太字者所以別尊稱也謹按唐順
宗莊憲皇后王氏初稱並云莊憲皇后開元六年正月
太常奏昭成皇太后諡號禮部非之太常報曰入廟稱
皇后義繫於夫在朝稱太后義繫于子臣竊詳冊文云
孝子嗣皇帝則前合存太字以申陛下臣子之志既從
先帝之諡又納之度寢則復合去太字以正從夫之號
蓋事干典禮名不可以不正望下禮官詳議所有大行
皇太后亦應視此詔太常寺詳議以聞於是太常寺檢
會慈聖光獻故事祔陵廟則去太子其餘則存之冊文
初稱大行太皇太后尊諡即曰慈聖光憲皇后今合遵

用詔恭依

十一日宰臣韓忠彥率群臣請追尊皇太

后諡號於太廟諡曰欽慈皇后詔恭依議曰臣聞道

與世而升降禮稱情而節文自周之興始存紀諡之法

逮漢而降乃有追冊之儀歷代莫不由先王未之或

改載簡編而弗泯升郊廟以無慚孝子慈孫豈責三牲

之養成功威德翼永萬年之觀於皇治朝順考舊典無

隆平之休運懷顧復之深恩戴惻淵衷式欽承於先訓

爰崇顯號庸昭示于至公以詔無窮以垂不朽洪惟神

考克紹寶圖有虞舜之風以釐二女有文王之化以刑

四方修明壺儀登進邦媛是生聖母來應昌辰伏惟皇

太后金質粹合懿姿淑茂恭儉成于所性柔嘉得于自

然動容周旋默中所璜之節夙夜儆戒肆觀圖史之規
贊陰教于紫庭藹芳聲於彤管尊敬保阿之訓被服澣
濯之衣續女功而不違化婦道以無斁雖移而敦逮下
之惠信順以體資生之仁彤夢日之嘉祥協祠謀之終
吉克昌國祚誕育聖躬貽社稷無疆之休慰華夷胥俟
之望永裕之仙遊忽遽坤儀之正位未隆丹雘壁以密
移駒過隙而難駐天長地久結遺恨以何窮日往月來
想徽音而莫覩皇帝紹膺駿命嗣守虔基極孺慕以哀
從感色養而無及念之不見彌深陟此之哀維以永傷
更甚茹荼之苦肆舉追崇之典用申罔極之情爰命下
陳敬遵故事紀道芳而傳史牒消穀旦以告廟祧臣謹

按謚法威儀悉備曰欽敬事節用曰欽一心均愛曰慈
能以仁教曰慈皇太后體該衆美性蘊先知名之可言
乃其髣髴德之所屆無以形容永對天地之休敬承祖
宗之命恭上尊謚曰欽慈皇后 十四日詣多慶院園
履行展告之禮 二十一日詔將來發引命官分導于
靈駕前啟最親王宗室並素服角帶 二十八日詔四
月五日上謚冊于多慶院惺殿候車駕遣奠回告廟以
太常失請故上謚先之 四月二日詔啟最前二日遣
官奏告天地宗廟社稷宮觀 五日啟最園陵使啟奠
畢奉梓宮升龍輜至神門外登大昇輦赴多慶院惺殿
百官班臨遣宰臣韓忠彥上玉冊玉寶于惺殿 冊文

曰維建中靖國元年歲次辛巳四月辛卯朔五日乙未

孝子嗣皇帝臣

徽宗

稽首再拜言曰臣聞謹終追遠前

聖之格言立愛惟親先王之猷訓維末小子未堪多難
悼菲質之靡依痛慈顏之永隔有懷顧復曷報劬勞欲
申終慕之情必盡敬宗之禮是詎穀旦敬工尊名恭惟
追尊皇太后體道思齊含章履正柔嘉播于德範溫惠
本乎天資中環珮之節動儀乎紫庭奉圖史之戒美溢
乎彤管輔佐先帝誕生冲人爰自潛藩入續大統天神
地祇罔不祇協社稷宗廟咸以康寧推原慶靈自我聖
母而上壽未究淑命弗融奄捐域時浸閱華歲園陵在
望音徽如存不待承東朝之顏不及享四海之養昊天

罔極空勤報德之誠春露既濡深結愴心之感顧久稽
於位號茲未慊於誠懷屬慈德以上賓彤于遺命惟章
懿之故事具在有司是用鏤玉牒之鴻休鋪椒塗之懿
黼聿嚴昭薦式慰孝思方將啟在浚之靈宮祔維嵩之
吉宅日先其遠電告厥猶役徒繁興功緒丕作始因山
而戒具終復土以有期仗衛肅其前驅簫笳淒以徐引
念之不見往寧體于皇堂愴然有聞旋升神於清祔於
是群公庶尹博士諸儒考協前古之遺文討論一代之
成憲咸以謂諡者所以述行號者所以表功義有受成
名無浮實節惠之法厥惟舊哉其祇率於彝章用褒加
於徽稱謹遣攝太尉尚書左僕射韓忠彥奉玉冊玉寶

上尊諡曰欽慈皇后伏惟昭鑒在上膺茲鉅典永錫祚
裔垂裕家邦於萬斯年配天無極嗚呼哀哉同日上詣
多慶院幄殿服袞親奉引庭中行遣典之禮攝中書令
許將讀袞冊冊文曰維建中靖國元年歲次辛巳四月
辛卯朔六日丙申上神宗皇帝妃陳氏尊諡曰欽慈皇
后粵五月辛酉朔六日丙寅遣座于永裕陵之次禮也
羨道風啟告奠載徹羽衛警而有行駕輅隱其將發孝
子嗣皇帝臣徽宗御名永慕徽音恭率禮典瞻黼筵以踊痛
奉靈車而恭遣乃詔通臣敬揚聖善其詞曰維陳肇氏
實生堯母有為之後維舜之冑陳之啟封實始于周繇
漢歷唐或相或侯逮我有宋世遠彌盛族出京兆為時

顯姓皇圖有赫益光爰止閔睢成化曾沙協慶乃鍾淑
哲爰際神聖女功是續婦職是聽樂修四教懋崇六行
齋戒從桑左右流荇儀若蘭郁度如玉瑩逮下惟仁奉
上惟敬兩宮隆愛九御懌美女謁無私彤管有輝妙彰
華劄戒視圖史克厚人倫以受帝祉日符表運履敏應
祥超任邈似翼夏生商宜民宜人為君為王則篤斯慶
于邦有光昔在元豐帝齡見夢撫神鼎以號絕睇鳳臺
而茹痛愴橋山之已遠惜蒼梧之未從怡兮永懷窈兮
至靜桂裳無飾珠歲金屏樂施不倦好謙自秉憂勤允
念夙夜猶警月望未幾華頌斯頌蓋與世以皆昌胡畀
年而不永嗚呼哀哉鉤陳動色陰靈墮輝林有風而不

止露在草而先晞昊天不平悲顏早違有屋其車有編
其旂旒繼繼紵翟綴厥衣衡總晦采幽堂闔扉望國郊
其未遠空故庭兮不歸嗚呼哀哉時龍天飛離明玉麗
祇通道訓豈隆前制乃正坤極允尊皇嫔瑞琮陳司重
翟在庭玉璽有冊實上尊名金範有璽寶奉至榮文備
邦禮哀貫皇情以萬國之貴而聿追于後以四海之養
而不逮其生嗚呼哀哉靈殿雲結神闕山立乘輿親詣
獻竿躬執衣黃恍見淚俎紛如二儀感而風悲千官侍
而雨泣靈之下兮既享澹將歸兮陵邑嗚呼哀哉吉月
吉辰良嵩霏兮緇霧龜兆兮告遷瑞龍兮莫駐嗚茄連
咽扛旄列注背吹臺以右轉越鞏岡而西去嗚呼哀哉

仰烈考考在天邇從之考洛川洛川考斯塋松柏考有
阡九虞續考其返神顧我考未還原既安考不騫祚後
之人考萬年嗚呼哀哉禮畢靈駕發引赴晉安院奉安
俟聖駕至宣德門上登輦還內 十五日內出御製挽
詩五章付禮部 十七日大行皇太后追尊皇太后靈
駕同時發引候大行皇太后靈駕至晉安院前追尊皇
太后靈駕奉見訖先行大行皇太后靈駕以次進發百
官辭于板橋退改常服入內翌日詣西上閤門內東門
奉慰 二十七日奉安靈駕于永裕之下宮同日靈駕
至陵所群臣奉慰 五月六日葬于永裕陵掩皇堂群
臣詣西閤門奉慰 十一日虞主至自永裕陵群臣迎

手板橋元符皇后皇后迎于瓊林苑有司行六虞祭上
服韡袍素紗幘頭黑鞋屨帶迎于內東門外奉安于皇
儀殿群臣奉慰 十二日七虞祭群臣奉慰自是八虞
九虞皆上親祭 二十五日上以祔廟前一日宿于慈
德殿側輔臣宿于本司百官宿于朝堂 二十六日神
主祔于神宗廟室 二十八日德音應兩京河陽減死
刑釋杖罪緣山陵科率蠲復賦役應奉行事官量與惠
澤 八月六日詔供備庫副使陳永成等進官有差以
欽慈皇后祔廟故也

宋會要欽成皇后

徽宗崇寧元年二月十六日聖瑞皇太妃朱氏薨輟視

朝十日詔曰聖端皇太妃昔事神考無險詖私謁之心
有警戒相成之道誕育哲廟享養西宮助紹隆繼述之
功遵慈儉保佑之德今云殂殞良用盡傷思父念兄禮
宜隆厚特優異典以育其終可追崇為皇太后 十七
日禮部太常寺言追崇聖瑞皇太妃為皇后欲依景祐
三年故事歲時祭典以監護使行禮詔遷于皇儀殿治
喪大殮後擇日出殯普安院仍權用絲輦奉安出右掖
門聖瑞殿應有服人并合行事並禁中取旨合行典禮
今禮部太常寺詳定祭王似權于皇儀殿門外設次行
服仍于殿下製梓宮群臣于不奏事日赴皇儀殿上香
餘依所奏十八日制曰夫孝之至者其愛廣報之厚者

其禮隆朕通駿皇圖極思父念兄之感愴懷聖瑞盡飾
終追述之情敷告治朝特尊顯號故聖瑞皇太妃朱氏
懿恭惟則柔惠且和早衍慶于茲斯克相儀于椒掖輔
佐昭考有警戒之道而無險詖之心保佑秦陵助繼述
之功而遵慈儉之德仰徽音之愈茂嗟淑命之不融於
戲婦順謙冲生不及四海之崇養寵章華煥歿而加萬
世之鴻名惟哀慕之無窮用褒榮于罔極宜追尊為皇
太后仍令所司擇日備禮冊命施行是日命中書侍郎
許將為園陵監護使延福宮使入內內侍省都知馮世
寧為園陵都監龍神衛四廂都指揮使張存為園陵修
奉總管尚書禮部侍郎周常為禮儀使尚書兵部侍郎

鄒浩為儀仗使尚書工部侍郎龔國為鹵簿使尚書刑部侍郎杜常為橋道頓遞使將作監許幾為提舉採石官尚書嗣部郎中王詒權尚書度支郎中兼京西路轉運使候園陵事畢還闕 同日太史局言追尊皇太后大殮用二月二十二日成服用二十八日出殯用二十九日從之仍詔出殯并發引及葬日並不視朝群臣許詣西上閣門進名奉慰又詔追尊皇太后應祭典並令蔡王行禮出殯後令就晉安院行服止宿前降令監護使行禮指揮勿行 同日追尊皇太后園陵事務所言斥土用四月六日啟散用五月四日發引用十日葬用二十四日園陵監護使言章惠園陵故事迄今七十餘

年典籍不存乞參用建中靖國元年園陵并前後故事
增損施行從之 二十二日大殮群臣奠于殿庭 同
日命吏部尚書趙挺之撰哀冊文翰林學士郭知章撰
謚冊文尚書工部侍郎龔原撰謚議 二十七日詔追
尊皇太后園陵京城禁樂一月葬日即祔廟各前後禁
樂七日 同日學士院撰到尊尊皇太后出殯鼓吹導
引歌詞一首詔送太常寺 二十八日太史局選到追
尊皇太后斬草破地宜用四月初六日庚寅吉時宜用
當日辰初四刻先自皇堂下手刻期起辦大葬外神門
闕角等繼續修蓋從之 同日以成服上行祭奠之禮
不視朝 二十九日出殯群臣進名奉慰訖赴普安院

上香三月二十日禮部言追尊皇太后園陵修奉所狀
准尚書省劄子今來園陵皇堂用四十五尺依朝旨參
酌增損丈尺等其修砌皇堂地宮鹿巷廂壁火口土閣
在四十五尺內並依去年皇堂故例開深六十九尺打
築六尺明用三十六尺今來陰陽官胡晟等狀依經法
開掘五十三尺打築八尺外明用四十五尺今來既用
石地宮若依修奉所狀內事理除別無典禮該載外取
到太史局狀看詳胡晟等狀內所定皇堂下深并添築
丈尺即別無妨礙內看詳神牆高一丈即未合經法若
用九尺或一丈一尺及神臺等若依去年故例修製各
別無妨礙內參酌增損丈尺名件即陰陽經書不載若

依所請即無妨礙又取到太常寺狀勘會建中靖國元年園陵神塋用一丈三尺詔用一丈一尺餘依修奉所申四月十日宰臣韓忠彥等請追尊皇太后謚于太廟謚曰欽成皇后詔恭依議曰臣恭以神宗皇帝在宥天下十有九年凡禮教之所儀型道化之所鼓動而四方靡然向風者實自齊家始六宮之內位不必備左右祇肅類以德進雖復恩數優渥莫不搏節自飭其賢否有以道相成者非一日積也恭維追尊皇太后興自慶系進登貴名柔懿恭順久著休聞仁淑勤儉見于躬行而又謹環佩之音帥保阿之訓其夙夜所以警戒者有故賢妃之風故善積而慶從行成而報厚熙寧九年

天命誕集是生哲宗皇帝元祐初昭受顯策享養西宮
儀衛之崇冠服之盛定儀禮閣榮動一時曾不以帝母
之貴自居而進承宣仁欽聖之辭也惟婦順是盡凡所
以保佑訓迪于泰陵者一遵兩宮慈儉之德迨紹聖故
事增光神考之休烈則又有紹隆繼述之助焉然而二
十年間經涉變故從容俯仰謙冲自牧燕及中外初無
間言豈惟神考陶冶成就亦敏于聽從出自天性也
皇帝踐祚益加禮意聞者胥謂追尊皇太后方且康寧
譽處享有多祉不幸憂傷之末感厲爽和久之未平皇
帝睦言動容為推恩出繫因下令訪醫術日異少愈奄
忽大故尤用盡傷亟降詔書追宗為皇太后肇正中宮

之名秩增賁東朝之母儀位號兼隆繼美先后宣制之日聽觀一新國陵有期思有以節惠易名者申命羣臣請諡太廟而命臣撰號文臣伏讀詔書追尊之訓辭恭考六家易名之舊法仰觀神宗內治之恂達於是序列追尊皇太后終始之事至夫所以上當祖宗之意以信萬世無窮之傳者一與諡法相應謹按諡法威儀備悉曰欽敬事節用曰欽婦德均一曰成風夜警戒曰成追尊皇太后宜敬承祖宗之命恭上尊諡曰欽成皇后十五日攝太尉尚書左僕射兼門下侍郎韓忠彥奉欽成皇后諡冊寶冊文曰維崇寧元年歲次壬午四月乙酉朔十五日己亥皇帝

徽宗

謹再拜稽首曰夫諡者行

之迹號者功之表歷選前代厥有成憲蓋生而飛英聲
騰茂實既有以聞於一時則歿而施尊名隆徽稱又將
以詔于萬世况先期淑哲奄忽大故方謹終追遠惻怛
震悼異數寵章腴煇煥爰命有司若稽往制約美節
惠庶幾形容于萬一也恭維追尊皇太后柔嘉靖正體
仁臨和昔在神考聰明睿知勵精庶政教化雍睦德禮
陶漬閭閻睢之風行家人之道正當是時皇太后贊熙內
治協相俶聞寤寐思服夙夜警戒輔佐憂勤受祉上帝
行慶彞斯篤生哲宗塗山簡狄丕續並麗元豐之末裕
陵上賓宣仁垂簾當是時皇太后婦職允修皇姑是尊
崇慶懿德朝夕祇順承顏問安孝恭匪懈雖擁佑天下

之主有鞠育顧復之恩而不自矜其功雖恭亞坤元之位有興服儀衛之寵而不自挾其貴謙冲靜默得於誠性終始全粹無有間言紹聖之初哲廟親政潛發睿斷起廢興壞丕變治功憲度典章復還熙寧元豐之盛方是時皇太后助紹隆繼述之志有啟迪贊導之益陰功隱德人所不知休烈盛美蓋有不可得名言者矣謂宜藏福祿昌壽考以長享西宮之養而為四海之所矜式遐齡未究淑命弗融因山有期龜筮既從茲用博訪于卿士受命于祖宗表行易名所以愜輿議當神心而詒不朽之傳謹遣攝太尉尚書左僕射兼門下侍郎韓忠彥奉寶冊上諡曰欽成皇后伏惟先靈如存淑問不怠

膺茲鉅典昭厥懿德對越清廟永永無極嗚呼哀哉

三十日

詔追尊皇太后啟蕞宰臣率百官行禮讀謚

冊寶奏告天地宗廟社稷靈駕發引日群臣奉辭于板

橋並如欽慈皇后故事

五月四日追尊皇太后啟蕞

梓宮俟時遷正群臣焚香遂讀冊寶于靈座蔡王似行

祭典之禮群臣奉慰如儀

七日帝詣普安院追尊皇

太后蕞宮祭奠

十日靈駕發引蔡王似行啟奠祖奠

之禮攝中書令趙挺之讀哀冊

冊文曰維崇寧元年

歲次壬午四月乙酉朔十五日己亥追上神宗皇帝妃

朱氏尊謚曰

欽成皇太后粵五月乙卯朔十日甲子

遷座于永裕陵之次禮也彫輶風戒奠俎方徹慘哀茹

於廣陌引素仗于明發皇帝德懿並隆恩禮斯洽屬羽
衛之有行念徽音之永絕爰命侍臣茂揚懿烈其辭曰
維我有宋繼天立極王化之基自家型國於皇神考百
度修飭元豐之功下土是式妙選六宮升進淑德靜恭
柔懿私謁不行夙夜警戒協謀相成履武發祥纂繼丕
緒奕奕西宮是燕是處慈仁克儉宜壽而臧胡不永年
忽云淪亡嗚呼哀哉秦陵初載泰默不言佐佑保護忠
和且溫逮及親政紹隆繼述贊助之勤一心密勿遐想
音容空餘髣髴嗚呼哀哉厥初邁厲覲其有瘳襮祓禱
祠靡神不周訪秦醫之殆徧肆舜宥以寬憂愴隙駒之
易轉驚逝水以難留嗚呼哀哉永懷父兄屬以大統聖

心孝思報稱攸重稽章惠之舊儀詔議臣而祈中正位
號之尊榮隆典與而追奉琢寶玉兮環奇鑲匣金兮錯
綜嗚呼哀哉考卜維吉揆時既良仙馭杳去銘繆載揚
背浚郊之輿壤係洛土之崇岡陵寢盤兮空曲珍木茂
鬱蒼流殿苔兮素月隕墮陌兮晨霜闕珠襦兮寶笥零
雨涕兮宮墻石門兮深扃漆炬兮永夕雲駟駕兮弗還
總惟空兮常寂嗚呼哀哉有形兮必終有數兮斯盡生
能享天下之奉兮無違歿以歸裕陵之原而何恨雖千
百兮斯年終不騫兮不隕嗚呼哀哉 同日元祐皇后
扈靈駕以行百官奉辭于板橋回奉慰如儀 二十二
日太常寺言虞主到京日請依章惠皇后故事于瓊林

苑權奉安行陞祔之禮從之 二十四日葬于永裕陵
群臣奉慰如儀百官奉迎 二十九日虞主至自永裕
陵百官奉迎于板橋元符皇后奉迎于瓊林苑 六月
五日神主陞祔于神宗廟室 八日德音應西京河陽
減死刑釋杖罪緣園陵科率蠲復賦役應奉行事官量
與恩澤 十六日朝散郎試將作監許幾特授朝請郎
以辦園陵有勞故止 二年正月二十日太常寺言二
月十六日小祥其日不視事禁屠宰一日景祐無禁樂
故事詔禁樂 十二月十一日太常寺言來年大祥乞
依小祥例從之

禮

宋會要

凶禮

溫成皇后喪禮

仁宗至和元年正月八日貴妃張氏薨治喪於皇儀殿詔近臣宗室入奠移班奉慰帝於殿東楹特輟朝七日命參知政事劉沆為監護使入內侍省內侍押班石全彬勾當御藥院劉保信為監護都監殿前都虞候王凱為總管

卷七十三
百六十七

十二日制曰王者峻宮闈之班秩非選德無以冠後庭崇房闈之號稱非遺懿無以憲天壺斯所以舉哀懷之禮申哀卹之文誕告在朝令申舊典故貴妃張氏性歸淵穆體本淑和踵紱冕之慶華蹈圖史之良訓克惇母教允協嬪風恭儉之儀每以盡其志憂勤之助必以罄其心進陪禕翟之容退存軒龍之象偶寒暄之遘厲俄夙夕延災向以失內禁之宵嚴犯周廬之夕警能挺身而衛丹極遂捐己以護皇居暨憫雨以請憇方責躬而引咎因授刀而割

膚乃濡翰以封章事既秘而不言物有存而可數報君憂國望右
無倫遽爾長辭邈焉如在宜正馳車之御益隆虎劍之章鋪顯豐
融以昭懔惻於戲彤管有煒或播於聲徽象服是宜載揚於命數
庶幾渥澤永饗休嘉可特追冊為皇后所司擇日備禮冊命仍賜
諡曰溫成初諡恭德言者以謂德字不當同太宗諸后諡故改賜
之上同

十三日詔京城禁樂一月自啟攢至葬復禁止命翰林學士承旨
王拱辰撰諡冊文端明殿學士楊察撰哀冊文知制誥王洙書上同

十四日殯於皇儀殿之西階羣臣進名奉慰上同

十六日遣官告太廟皇后廟奉慈廟上同

十九日遣宰臣梁適奉諡冊告於皇儀殿冊文曰皇帝若曰夫內
德之茂非正位無以顯其猷彤史所載非大名無以表其行矧予
嬪合之懿夙著徽柔之則故生則副珈綸翟以寵其初沒則祔章
隨冊以垂於後褒功節惠繇來舊矣故皇后張氏坤順以大月盈

而冲毓秀儒門參儷天極煩擱著於延葛雍和見於流芳自初選
納惟德之行琴瑟之音莫不靜好椒蘭之美居多服媚遠貴勢而
不處履華寵而能降翼朕偕閔天之盛導予躋黃老之福憂勞臣
下永念樛木之仁檢御近姻慨慕濯龍之戒至於盜警虛微挺身
以衛至尊時丁早暵刺臂以祈來貺愛君之烈何謝古人侵癘難
期疹毒斯遘千齡何遽一昔而亡奔駒逝川追悼奚及筮龜協吉
園兆有期奉常據古稽合二稱朕揆庸較德昭錫徽名公言僉同
世繫攸穆今遣攝太尉尚書禮部侍郎同中書門下平章事集賢
殿大學士梁適奉冊謚曰溫成皇后仙遊匪邈典策是膺茂範存
於壺闈嘉問流於緹素音容永閔哽結難勝嗚呼哀哉禮畢羣臣
進名奉慰是夕設警場於右掖門外上同

二十日帝成服於皇儀殿之別幄羣臣進名奉慰是日輜車發引
由右昇龍門出右掖門升大昇輦有司設遣奠讀哀冊冊文曰維
皇祐六年歲次甲午正月丙寅朔八日癸酉貴妃張氏薨十二日

丁丑冊諡曰溫成皇后十四日己卯殯於皇儀殿之西階粵其月
二十日乙酉遷座於敢宮禮也素紼整徒靈衣戒御祖饋宵陳遣
觴晨具泣縞從以成雨黹椒塗而生霧皇帝顧懷殯則感切仁衷
悼副禔之不見歎華掖之俄空爰命詞禁紀揚芳風其辭曰厥初
洪濛分判太儀陽運剛粹陰凝方祇肇經邦家乃正后妃河雎播
饗王化是基四女佐譽二娥隆嫡天作之配人光厥期黃序遐源
留封景胄德厚慶遙蔭華族茂玉勝啟祥珠臯挺秀有倬英媛淪
精降神夙智先晤含徽體真凝嫔寶贍丕等雲乃瑞紫闈來翔秘
宸位以德舉榮繇才甄貴天秩妃亞后尊儷儀乾體協美坤元履
正居位處順承天外毗陽化內參陰政助月成光均軒騰景惠問
蘭敷清懷靈整性與幽閑心資婉令苕茂其柔淵澄其靜六列宗
模四業純備言必稽典動斯率義繁藻並修組紉咸事鑒史求歲
稱詩迪志逮下必均進賢無諂抑遠外族澤無偏暨敦履素約衣
無窮麗自頃周廬誰可施衛觸瑟方警當熊已厲近聞時雨側躬

減味齋素助祈精誠獨至歷血書文請咎歸己深誠不言遺毫在
紙勤勛爽和晦明生疹醫政失全祿司告燁生也弗融天兮難問
奄忽之間靈暉道盡嗚呼哀哉善必鍾祉仁期永命展如之良宜
百斯慶柘館屢闕日懷乏應牛燭收光方春委盛何華之繁兮實
之萃胡德之昭兮福之昧背明世之豐樂係幽局而永逝異今昔
於俯仰變歡哀於鑒寐慟皇情於遺物澡榮恩於恤禮詔過音以
盈月輟昕朝而廢視嗚呼哀哉熒燎光斷金波影低哀茄寒急楚
挽清淒動輻輳軒兮晝靄轉霜旒兮逶遲風含咽以沈籟雲縈愁而
不飛去復去兮寧復泛悲莫悲兮長別離甘泉之像兮空若在方
士之述兮終亦非惟芳聲之郁烈縣百代而揚徽嗚呼哀哉
厝於奉先院禮畢宰臣率百官還詣西上閣門奉慰

上同

二月二日詔大常禮院孝惠孝章淑德章懷皇后章惠皇太后溫
成皇后皆立小忌尋罷之

上同

七月六日詔以溫成皇后舊宅立廟參定四時饗祀之制大常禮

院言檢詳國朝孝惠皇后太祖嫡配即陵所置祠殿以安神主四
時設常饌無薦饗之禮今宜就葬所立祠殿參酌孝惠故事施行
仍請題葬所曰溫成園復詔詳議以聞禮院上言準詔就葬所立
祠殿請廟南設一門用二十四戟其殿間室並石埴神主制度並
乞依皇后廟一室制從之上同

九月十日大常禮院言葬所請稱溫成皇后園陵從之上同

二十五日啟橫帝不視事羣臣進名奉慰上同

二十七日詔監護使宰臣劉沆為園陵監護使石全彬劉保信並
園陵都監先是權御史中丞孫抃侍御史范師道母湜言劉沆
既為宰相不當領護使不報翌日有是命後知諫院范鎮言大常
議溫成皇后葬禮前謂之園後謂之園陵宰臣劉沆前為監護使
後為園陵使如聞此議皆出禮官前日是則今日非今日是則前
日非必有一非於此矣夫禮典素定而不可輕變者也議論異同
如此是為禮官而以禮自舞者古者法使舞者而今世禮官舞禮

官舞禮若不加詰恐朝廷典章寢壞而不可救也乞下臣章問禮

官前後同異狀以正中外之感不報上同

十月四日大常禮院言祠殿祭器請視皇后廟一室之數四時薦

新及朔望並如例令宗正寺官行事從之上同

六日宰臣率百官詣奉先殿拜奠上同

七日葬於奉先院之東北隅虞主權奉安玉津園宗正卿行九虞

之禮帝不視事羣臣進名奉慰上同

十六日神主入廟不視事羣臣進名奉慰上同

十一月五日内出太廟祔祫時饗及溫成皇后廟祭饗樂章樂典

下大常肄習上同

嘉祐七年正月二十七日詔改廟為祠殿歲時令宮臣以常饌薦

之詔議具皇

宣仁聖烈皇后喪禮

哲宗元祐八年九月三日太皇太后崩于崇慶宮之壽康殿遺詔

曰吾受遺神宗保佑聖嗣憂勤庶務今茲九年未嘗以一物徇於己私片言害於公義神祇助順宗社降康方隅底寧年穀屢稔然吾素有未疾已逼耆齡寒煥所侵疹恙時作比欲釋天下之重負就東朝之燕閒使辟以時實吾之志屬嬰沈疾有加無瘳皇帝以純孝之誠盡躬待之養冠帶不脫於朝夕藥食必視其寒溫吾安于理命之常決于死生之分大期有極固不可移寧神厚陵夫復何恨皇帝宜念繼統之重躬聽斷之明無過哀傷勉慰物望近臣輔弼更爲開陳吾稽參舊章推恩兵衛內外諸軍將士並與特支在京文武臣僚並外處管軍臣僚並與支賜皇帝成服之後三日內聽政以日易月一依舊制在京文武羣臣十三日而除諸司長官及觀察以上臨于宮庭其餘官臨于宮門外諸道州府長吏以下三日釋服軍民不用縞素沿邊州府不得舉哀制服釋服之後勿禁作樂園陵制度務遵儉省勉從吾志勿事煩勞餘依章獻明

四日文武百僚詣崇慶宮聽遺詔移班慰上是日朝晡臨詔曰大
皇太后受遺稱制保佑眇躬勤勞九年阜安四海大德未報奄棄
東朝布宣末命中外悲怛永惟平日謙恭之至意每逢先後臨御
之常儀逮此遺言止以園陵為號既非朕尊崇之本志又失臣下
愛戴之誠心宜令有司易園陵為山陵餘恭依遺詔樞密院言太
皇太后遺詔內外諸軍將士並與特支錄明道二年章獻明肅皇
太后上僊特支例同三省奉旨令尚書戶部照會其已銷及創置
軍分并該說不盡比類施行上同

五日詔羣臣詣皇儀殿宣遺詔臨器見上于殿之東廂奉慰是日
遣使告哀遼國及諭夏國上同

七日禮部言據大常寺狀大行太皇太后崩準遺詔節文釋服之
後勿禁作樂餘依章憲明肅皇太后典故施行本寺檢會章憲明
肅皇太后故事中外禁樂至百日其百日止為民庶所有沿邊州
軍自合依遺詔施行又檢會元豐三年大常禮院言續降朝旨民

庶音樂已展過百日及自啟敢至祔廟畢仍舊其臣僚既為大行
太皇太后于禮令服齊衰不杖期其同天節開啟雖係以日易月
釋服後又緣在期年之內準律疏期喪服內不許作樂所有臣僚
合依禮律候期年滿日即得聽樂其沿邊州軍伏乞詳酌施行從
之同上

詔三路沿邊臣僚祔廟畢許用樂其餘文武官並候一年合依故
事施行從之同上

八日文武百官詣崇慶宮朝嘯臨同上

九日大斂皇帝成服羣臣衰服入臨奉慰如儀同日命宰臣呂大
防為山陵使戶部尚書李清臣為禮儀使御史中丞李之純為儀
仗使權兵部侍郎韓宗師為鹵簿使龍圖閣直學士權知開封府
錢勰為橋道頓遞使侍衛親軍步軍副都指揮使姚麟為修奉山
陵都護入內侍省都知張茂則為山陵都大管勾並行宮事同
日羣臣上表請聽政自是七表始從之同上

十日命尚書右僕射范純仁撰哀冊文并書門下侍郎蘇轍撰謚冊文并書冊寶翰林學士顧臨撰謚號文是日步軍副都指揮使姚麟等言檢會元豐二年都大提舉修奉皇堂所申所役諸州人兵內有避見工役逃走往諸處首獲逐處依例收禁移牒會問因依方行結絕動經一兩月有誤修奉工役欲乞指揮如首獲修奉人兵並令盡時牢固差人監押轉赴陵所從之上同

十一日禮部大常寺言準遺詔節文大行太皇太后崩依章獻明肅皇后典故施行勘會士庶軍民禁婚娶等緣上件案例不全今檢準慈聖光獻皇后故事文武臣僚之家並候將來九虞祭畢為卒哭許嫁娶其軍民即過禫除仍不用花彩各候聽樂日依舊從之上同

十二日山陵使呂大防奏修奉乞差役兵二萬人內廣固人兵有條不許抽差今修奉事大乞就差前去御批廣固人兵不差其所缺人數於諸路軍差撥又奏乞應提舉京城汴河隄岸並寺監管

下諸色作匠據合銷人數並行抽差役使如有關數仍許於內外官司抽差或令和雇應副若拘礙一切條禁並不許占留晝時發遣御批修京城人不差所有汴河隄岸諸局造作及寺監除應奉山林物色的確合使人數外餘依所奏施行上同

十四日樞密院都承旨范純禮入內內侍省押班梁惟簡奏臣等準勅差充太皇太后山陵按行使副未審陵園依慈聖光獻太皇太后陵作七十五步或只依故事以六十五步標定詔依慈聖光獻太皇太后封標上同

十六日敢於崇慶殿之西階羣臣進名奉慰上同

十七日詔曰朕恭以太皇太后保祖宗之基命定社稷之永圖德參二儀功冠千古今普天喪恃四海同哀雖築陵高於大山備禮殯於萬物顧無以報亦未為多惟遵奉於訓言益光昭於儉德以對在天之盛烈以揚愛物之遺仁緣山林非久修奉慮有司過有煩勞枉費人不能仰承遺誥務遵儉省之意其令尚書戶部斟酌

應付得寬剩計置除京西路轉運司自合供辦其諸道非拋降
毋得妄有進取咨爾中外當體朕懷上同

二十二日中書舍人呂陶假龍圖閣學士為大行太皇太后遺留
北朝國信使左藏庫使郝惟立假西上閤門使副之上同

同日三省樞密院奏今月二十二日獲侍天顏伏覲陛下猶御經
杖之服乞依祖宗舊制及遺詔處分以日易月用小祥變除之制

奉御實批禮雖有時變之文朕實行三年之喪於宮中理所不忍
遽易衰服宜體悉之臣等遇昧不達大體敢用近世權宜之制聞

於宸聽伏奉批詔方知實行三年之喪有以見聖德隆厚篤於典
禮然將來大祥禫除若依定儀須俟釋服方行慰禮欲望將來禫

除日不俟釋服即行慰禮從之上同

十月一日羣臣上表請御正殿自是五上表乃從之上同

二日上御迎陽門見羣臣哀動左右上同

三日上御崇政殿親政上同

六日三省樞密院同進呈翰林學士顧臨所擬太皇太后諡請用
宣仁聖烈四字呂大防等因稱述太皇太后聖德中外所以欣戴
者施恩而不私外嚴而內寬不用兵不任刑恭勤儉約度越前古
上曰太皇太后性雖嚴而慈宮中事儉約常服多補衣唯恐人之
知也裝奩中物雖藥玉之類亦無戶牖之飾但用小漆簾帷質素
皆卿等所嘗見至於珍寶玩好一未嘗有比送北朝遺留物乃取
於奉宸庫大防等再三誦嘆以謂前世所不及上曰自古無也顧
四字諡豈能盡其美上同

七日尚書戶部郎中郭茂恂兼權京西路轉運使應副山陵事務

上同十一日詔正任觀察使已上見無疾病者宜令隨從靈駕至山陵

餘宗室宗女宗婦并特與免行上同

十一月一日上御垂拱殿上同

九日羣臣尚書左僕射兼門下侍郎呂大防等赴太廟請諡上同

十一日翰林學士顧臨請上尊諡曰宣仁聖烈皇后詔恭依議曰
洪惟大行太皇太后考高陳王武烈王之孫也妣鎮國太夫人曹
氏武惠韓王之孫也武惠事太祖太宗削平僭偽混一區宇有慈
勇不殺之仁武烈事真宗有見危致命協策平難之義二人咸有
大勳勞紀於太常茲所以發祥演慶誕降睿聖配英皇生神考保
佑聖孫德備道隆巍巍乎其極三后之崇也方英皇龍蟠漢邸乃
公姓承華履泰之時歷數冥會之作之合夙夜相與稽求經訓博
觀史氏歷代之載樂將終身焉仁皇在御日月久春秋高天下之
本未立眷求宗藩燭見潛隱試難皇子正命儲宮嘉祐末年乃位
天德配體儼極母儀四方夤事慶壽師其矩度忘崇高之奉彌以
敦素為修身刑家之本其服御顧非弊極雖更歷年紀未嘗輟易
以苟費天物敬以婦道風天下駿惠我慈聖之儀則克相英宗紹
仁宗之休榮薄海內外罔不配天其澤迨英宗厭代神宗繼序崇
慶寶慈敬致色養益懷謙抑以尊東朝清明內融仰稽天若超心

道微凜然乎萬物之表日輝德學覃思前往增益其所自修元豐
八年神宗寢疾請同聽覽俄鼎湖上仙玉几遺命擁保聖嗣出震
繼照共御延和制政四海安正明微不踰防範以至拜慶冊禮上
壽坤成卒避臨前朝以推隆乎先后監觀前世后族之家怙勢政
亂國殄家昏迷顛覆相踵而不戒首訓飾嚴家母得妄祈恩寵以
玷國章乃大出所奉營第合族羣其僦入畢給常養情我親仁以
修正又有擬仲父踐更有勞請擢置法從明踰非欲以戒開寵有
以恩入官者實繁宜以時損首裁外家以申厥命妙選坤極咸屬
賢聞興言滿盈確乎不可攀自治平格於元祐歷年踰世家無一
人翱翔任事予顯要之路咸以節畏退藏承教自勵罔或一毫侍
私冒謁諸朝先朝帝之後其內親外戚左右之御臣惟朝夕論德流
涕而無平時僥倖之虞考詩任如微音相承以隆周家而光絕乎
後其治內有如此者體坤用乾妙乎其不為首研極論相以統百
官代天器工分又度庶務未嘗出聰明見識莫專智擅事或懼偏

客之累曠然凝默以仰厥成故當國大臣敬委任責咸得以程大猷中故實曲列詳說周旋事情以承可否之命尤屏絕側聽城防姦幾付之庶謨大同乃輝增置諫員審求端士俾危言篤論不留下情暢乎上聞以疏壅塞之弊聽受之際一以民為度民之所欲者行民之所否者弃無所為而不與民同者故天下之民不能離而議也間或六氣戾和三長異軌則輟食忘寢反復究省詢於朝引咎於天側身咨嗟感動中外二帝三王之所以治天下不過於是其治外有如此者履天下之利勢運天下之利用不出閭閻九年之間無內外之難泰定絕終由古以來未之有也聖心曲妙不可形容竊用民言髣髴其跡尊賢在位使能在官貴老興教哀窮恤隱省徭惜力薄賦厚生常武戢兵平法輕民蠲藏惠民去吝濯俗愚夫愚婦咸孚大公夫是之謂宣教嚴其在己恕裕其在人內無諸華外無四夷哀矜一視允懷如傷夫是之謂仁研幾超睿迪順佑神兢業言動莫而復發惟恐一物不當有憂乎上帝之心始

卒一誠二配俱極夫是謂之聖政責有常人惟求舊允釐百度以
定眾志倍其篤實披靡浮華純素之風乎近決遠克相上帝寵綏
四方詒謀燕翼丕承列聖之鴻緒以固無疆之大業夫是之謂烈
臣謹按謚法聖善周聞曰宣施而不私曰宣克已復禮曰仁功施
於民曰仁窮理盡性曰聖裁成萬物曰聖秉德尊業曰烈安民有
功曰烈合時眾美宜敬承乎祖宗之命光大其徽稱以信無窮之
傳謹上尊謚曰宣仁聖烈皇后上同

依上同

十八日三省奏門下侍郎蘇轍言奉勅撰謚冊文謹先進呈詔恭

二十八日詔應修奉山陵兵級等當此雪寒可特支賜上同

十二月二日禮部太常寺言太皇太后謚號勅下按故事山陵未畢

稱大行太皇太后掩皇堂畢稱宣仁聖烈太皇太后祔廟題神主

稱宣仁聖烈皇后從之上同

十四日遼國祭奠祭奠弔慰使副到闕入奠於慶壽殿并進慰書

文武百官並詣殿門外進名奉慰

上同

十六日尚書左僕射兼中書侍郎范純仁奏奉勅差撰宣仁聖

烈太皇太后哀冊文謹先進呈詔恭依

上同

二十六日羣臣詣慶壽宮上太行太皇太后謚冊冊文曰孝孫嗣

皇帝臣

哲宗

再拜稽首臣聞聖人之興默契天運昔真宗仁宗之

際章獻臨御歲周一紀實能協合神人以綏靖國家逮我聖考蚤

厭萬國惟未小子未堪多難則亦聖祖受躬受其難始終九年臣

民以寧社稷以固欲報之德未獲其所惟周人以諱事神以謚易

名明詔聖德以示後嗣庶幾不忘世以為憲恭惟太行太皇太后

實天生德作合皇祖無私如天博愛如地內自宮省之祕外溥華

戎之廣丕冒德澤以生以成昔在景德北戎弗若時則武烈參定

大計師於澶淵克遂有功南北底定垂九十年民獲養生送死功

書鼎彝澤加於後及我仁祖將援宣孝以奠天位亦惟慈聖實以

從母先識潛德宜於室家施及朝廷元豐之末天地震烈疾方彌

留羣公卿士拱手相視罔知所措而大策中定與天為謀肆時冲
人實主神器帷幄既施號令時叙稽於衆庶庸一二老政無舊新
以便民為先人無戒疏以守正為用故士恥奇袤民知嚮方耕田
而食遂底於今雨暘小愆責躬菲食饑饉食告振廩輟漕憂世之
心常若不及人賴其賜神享其誠薰然和平無大災害間修咸平
之政大弛逋責中外所釋以千萬計饑寒者得以衣食流散者得
以安處歌舞之音流於四方遼人情和時肆猾姦一聞信義斂然
知畏迄無一言之爭夏人情遠更出侵擾一被恩澤屢畔仍屈卒
為乞盟之計雖燕處於中壺實大又於萬邦究觀設施莫見其朕
惟約心以公自二王一主泊於外家均遇以法無僥倖之求處躬
以儉自飲食服器至於宮室取足於用無華靡之飾雖履大位以
天下養而歲月之奉子弟之薦猶視長樂之故是以責戚近習相
視而愧元臣耄老聞風而嘆不言而化成不戚而心服自三代漢
唐一人而已若夫先復舊儀具在有司每自抑畏置而弗舉受冊

之禮當在文德也而退即於崇朝明堂之賀當在集英也而儀止於東闈將成宣光則原廟之設自處於治隆將擢任子則族人之思下比於列辟凡輕於約身而重於違禮推之庶政蓋有不可勝言者矣臣夙遭閔凶未習師保之訓提攜閔閔若農之望歲誘之以詩書之樂滋之以勸講之良示之以聽納之寬導之以決斷之明久而不忘遂以成性方將率德以自廣致養以盡誠而命之弗知哀惻邦國臨朝惻然未知攸濟易月之制既弗敢違因山之期茲復以告是用博訪於鄉士受命於祖宗惟德之至不可以名言而功之隆不可以數舉敢因古人一惠之義益以累朝四諡之法庶以盡子孫之誠而慰海內之望謹遣攝太尉守尚書左僕射兼門下侍郎呂大防奉冊寶上尊諡曰宣仁聖烈太皇太后伏惟靈德在天令名垂世光配廟祐賁於太史沒而不忘永永無極嗚呼哀哉又上諡寶畢羣臣退赴宮門外奉慰及慰皇太后上同紹聖元年正月一日羣臣及遼國使副詣西上闕門進名奉慰上同

五日侍衛馬軍都虞候呂真充靈駕都總管詔元豐庫支錢十萬
緡絹七萬匹應奉山陵支費從戶部請也又詔賜山陵修奉兵士
等特支錢有差上同

九日啟嚴前一日文武百僚詣崇慶殿奠酌上同

十日啟嚴宮文武百僚詣崇慶殿立班禮畢奉慰於皇儀殿門外
晡臨訖退上同

十一日朝臨至發引日止上同

十四日禮部太常寺言欲依學士院議永厚陵於下宮告遷奉安
英宗皇帝大行太皇太后御容祝文其皇后行禮欲稱孝孫嗣皇
帝御名謹遣孝孫棉皇后妾孟氏從之上同

十五日內降禦製太皇太后挽詞四首付禮部詔以發引前一日
因簿伏陳使於宣德門外輔臣宿本司上同

十六日發引上啟奠於崇慶殿祖奠於庭遣奠於宣德門外百官
陪位中門下侍郎繇輟讀哀冊冊文曰維元祐八年歲次癸酉

九月丙子朔三日戊寅大行太皇太后崩於崇慶宮之壽康殿旋
殯於崇慶殿之西階有司奏諡曰宣仁聖烈粵明年二月癸卯朔
七日己酉遷座祔於永厚陵禮也敢殿帝空祖庭煥燁雲似卻似
復疑月雖輝而如慘孝孫嗣皇帝臣御名臨遣殿以興哀瞻振容
而永慕鳳吟管而何悲龍挾輜而若駐羽衛羅闕神儀布路爰制
近司紀陳聖度其詞曰皇矣大宋寶命自天重明累聖跨成軌宣
正后在中契於坤乾校任比妣輯瑞日符是興大母於饒大母躬
義率仁居靜猶地含和如春正素自稟聰明夙聞作合英祖齊昇
並耀受養神考陰功善教體道不違惟德是効元豐末命帝念惟
辟聽斷勉同以補天隙擁佑神孫立民之極公以涖人儉惟化俗
衣有大練奩無片玉房闥不出四海在目信義由中九夷思服如
鑑不塵如瑾不緇三事大夫正直是咨宗藩外戚滲漶惠慈人爵
王官雖畀不私廟竭靡行外朝靡踐池禦靡臨唯政是勉服御靡
更唯惡是善庸示萬方為則為典左右皇躬日就月將動有壇宇

居由範防造次於是寔隆且昌如天清明霽日之光治化方成憂
 勞亦至外若平居中潛構厲坤軸軋以夜推月輪翩而曉墜曾大
 化之靡怛尚斯民之為義嗚呼哀哉珠箔低垂兮雲霧猶隔總帳
 髣髴兮爐烟未消想仙馭以何適謝人寰而已遙萬乘號慟哀經
 九霄千官縞素雨泣東朝嗚呼哀哉人與神兮變何速秋復春兮
 時已徂犧盈兮未忘於平昔綽動兮難留於須臾翼八翼以為衛
 陳衣而泥塗嗚呼哀哉野蒼茫兮人漸遠仗徘徊兮天欲晚邈洛
 澗兮嗟備物之如在逾華岸兮知神遊之不返山川已兆於真宅
 松柏猶疑於故苑嗚呼哀哉玉璫龍蟄金藏鑑昏泉闕掩夜宮闌
 泣展車軌同兮雖來於萬國寶座閑兮唯朝於百神魚為炬以非
 日雁長飛而不春嗚呼哀哉成內則於三朝貽素風於千祀致理
 之勤兮已往大道之公兮古如此何遠其家之為國而憂其民之
 猶子宜大書而作冊俾永光於宋史嗚呼哀哉上自崇慶殿步哭
 導梓宮至宣德門外遣奠禮畢衰服還宮百官辭靈駕於板橋上同

十七日羣臣詣西上閣門進名奉慰及慰皇太后於內東門上同
十八日賜山陵修奉提舉採石官以下錢絹修奉總管以下銀絹
各有差上同

二十八日禮部言將題號太皇太后神主謹按章獻明肅皇后神
主題云章獻明肅皇后劉氏神主招依故事上同

二十九日山陵使司言虞主至京入瓊林苑依迎入右掖門量排
香燈署輿織扇細仗導引入苑從之上同

同日開封府言請依元豐三年慈聖光獻皇后掩皇堂禁屠宰三
日從之上同

三十日賜京西轉運使司西京河陽鄭州山陵應奉官銀絹有差
上同

三月一日中書省言山陵使司奉應緣山陵用度欲依故事差戶
部郎官郭茂恂右通直郎呂由誠會計編錄具冊以聞從之上同

五日葬於永厚陵掩皇堂文武百僚俟時詣西上閣門奉慰上同

八日樞密院言宣仁聖烈太皇太后虞主祔廟差昭宣使入內侍省押班馮宗道都大提舉神主祔廟一行儀仗上同

十二日虞主至奉安於皇儀殿皇帝奉迎行禮畢文武百僚詣西上閣門奉慰初虞主將至皇儀殿門上望霽興哭盡哀上同

十三日上行虞祭禮文武百僚立班退詣西上閣門奉慰至十五

日止上同

十六日上詣皇儀殿行卒哭禮文武百僚立班退詣西上閣奉慰

上同

十七日虞主祔廟上詣皇儀殿行告遷禮訖上前導虞主至宣德

門外奉辭訖赴太廟皇帝還宮候祔饗訖文武百僚赴西上閣門

奉慰初虞主降皇儀殿上步導出門見執蓋者顧左右卻之自

皇儀門前導且行且顧既再拜奉辭禮官贊請還幄上不聽南向

久之詔從駕諸班直及神主祔廟禮畢執儀仗兵員並賜特支錢

有差上同

二十一日德音兩京河陽鄭州減死刑釋杖罪汾山陵科率蠲復賦役應奉行事官量與恩澤開封府界提點府界諸般勾當文武官河陽汜水府界中牟知縣賜銀絹有差上同

二十四日山陵了畢五使以下管勾等官祔廟畢宰臣以下應奉行事官並賜器幣有差兩該賜者從一多給上同

七月十七日禮部太常寺言今年九月三日宣仁聖烈皇后小祥按先降勅三路沿邊臣僚祔廟畢許用樂其餘並候一年今及小祥合候十月一日臣僚開樂又在京禁樂日分見依典故申請外小祥故事例案不全無外州軍禁樂體例詔依慈聖光獻皇后大祥故事將來小祥日在京臣僚奉慰行香外州軍行香禁樂應依故事內外合設資薦道場處並差人排辦餘從之上同

八月一日詔九月三日小祥酌獻於崇慶宮前後禁樂各三日不視事各二日禁屠各一日上同

九月三日小祥羣臣詣西上閣門內東門奉慰上同

肅

決

二年九月三日大祥上行禮於神御前百官奉慰同
十一月十五日禪祭宰臣率百官奉慰同
三十日禪除宰臣率百官奉慰同

欽聖憲肅皇后

徽宗建中靖國元年正月十三日夜皇太后崩於慈德殿翌日百
官入班殿庭尚書左僕射韓忠彥宣遺詔於殿之西階曰吾嘗於
相門作配神宗逮事英宗母儀三朝惟社稷是憂惟臣民是恤積
勤遘厲累月弗瘳皇帝天性誠孝夙宵左右衣不解解藥必先嘗
襁褓被除靡所不至間雖小愈卒至彌留生必有終天地之道修
短之際亦數之常吾昨遭時艱難親決大策屬以聖意勤請與聞
政機曾未愈年遽復明辟既從容東朝以享天下之養而擁佑神
聖以為天下之福年垂耳順往從永裕之遊靜惟乃心尚復何憾
皇帝以宗社大計為念無過哀傷更賴臣鄰共與開釋仍追尊故
皇為皇太后其典禮並依章懿皇后故事皇帝成服之後三日內

聽政服紀以日易月在京文武百官十三日而除諸司長官及近
臣觀察使以上臨於宮庭其餘臨於宮門外諸道州府長吏以下
三日釋服軍民不用縞素沿邊不得舉哀釋服之後勿禁作樂園
陵制度務從儉省免從吾志勿事煩勞並依慈聖光獻皇太后故
事施行宣畢內外舉哭盡哀是日輔臣宿資善堂命延福宮使入
內內侍省都知梁從政管勾殿啟事入內內侍省押班閻安監造
梓宮上同

十五日百官入臨於慈德殿移班奉慰上於殿之東廂輔臣陞殿
問聖體上哀慟過甚韓忠彥等進曰皇太后久疾陛下省侍累月
已極憂勞今復過哀臣等不勝憂懼願上為宗社少寬聖情自此
百官朝晡臨三日止朝臨四日止宗室朝臨至成服日止上同
同日命門下侍郎李靖臣撰哀冊文尚書右丞范純禮撰謚冊文
翰林學士王覲撰謚議上同
同日中書省言園陵修奉深慮有司不能仰承遺誥務從儉省之

意詔令戶部並依往例斟酌的確合用之物不得過有寬剩除西

京轉運司供辦外不得於別路須索

同上

十六日詔曰恭以五行皇太后逮事英宗輔佐神考保佑先帝遭
國變故首建太策援立朕躬艱難之初暫同聽斷日月未幾遽欲
復辟朕固請不獲勉徇慈旨退處宸闈游心道妙謙尊鮮儼冲靜
自居惟功隆德鉅福被天下永言圖報服未知所從今遺命陵號乃
重有貶損曷以仰酬慈德以慰塞中外之望乎可詔有司易園陵
曰山陵餘恭依遺詔施行

同上

同日命尚書右僕射曾布為山林使吏部尚書陸佃為禮義使兵
部侍郎何執中為國簿使吏部侍郎張舜民權儀仗使給事中兼
權開封府溫益權橋道頓遞使舜民益候差正官日罷福宮使入
內內侍省都知梁從政為山陵修奉都監龍神衛四廟都指揮使
徐和為山陵修奉總管延福宮使入內內侍省副都知馮世寧為
按行山林使入內內侍省押班閻安入內內侍省東頭供奉官管

勾御藥園閤守勲並都大管勾山陵事尚書都官郎中曾孝序提

調學生馬監高俸並為採石官

上同

同日詔大行皇太后以四字為諡又詔山陵五使而下並建領追

尊皇太后園院并諭輔臣裁節山園陵浮費凡所用不急非有益

神靈者除之命戶部侍郎王古主其事追尊皇太后欽慈皇后也

事具後卷

上同

同日禮部太常寺言檢會慈聖光獻皇后故事京城及諸道並禁

樂至百日文武臣僚之家凡虞祭畢卒哭許嫁娶其軍民即過易

月禪除不禁仍不用花彩各候聽樂日依舊欲依故事施行從之

上同

十九日詔下諸路差石匠六千人赴陵所

上同

同日詔以皇太后遺留物賜輔臣有差

上同

二十日命御史中丞趙挺之為儀仗使權禮部尚書豐稷為禮儀

使龍圖閣待制權知開封府溫益為橋道頓遞使

上同

二十二日大殮上成服於慈德殿百官成服於內東門入慰上於

殿之東廂

上同

同日文武百僚上表請聽政詔答不允自是七上表乃從之

上同

二十四日小祥上祭奠訖百官衰服班慈德殿庭慰上於東廂

上同

二十五日罷梁從政山陵修奉以闕守勲為山陵鈴轄仍許往來

照管

上同

二十七日命權尚書刑部侍郎岑象求為覆按山陵使入內侍

省押班劉瑗副之

上同

二月五日詔靈駕發引日宗室節度使以上從行餘悉免

三省

檢會故事慈聖光獻皇后山陵從者二十一人宣仁聖烈皇后山

陵從者六人近以覃恩正任員多而節度使止六人故有是詔

上同

七日大祥皇帝釋服服素紗垂脚幘頭淡黃袍緋鞵黑帶文武百

官並服素脚幘頭黹色公服黑鞵帶是日百官並赴慈德殿陪位

祥祭訖移班慰上於東廂及詣內東門進名奉慰

上同

八日山陵按行使馮世寧言得地於河南府永安縣鳳臺鄉詔遣
內侍齋圖示覆按所同日禪除羣臣入臨奉慰同

十日文武百僚左光祿大夫尚書左僕射兼門下侍郎韓忠彥等
上表請御殿詔答不允自上五上表乃從之上同

十一日殯於慈德殿之西階百官班臨慰上於東廂次詣內東門

進名奉慰上同

十三日太常寺言太行皇太后山陵一行法物欲依元豐二年慈
聖光獻皇后山陵故事大舁輦一百五十人輜車挽士二十人裹
冊車謚冊車謚寶車驚輦輦車魂車香車重車城門外梵銘旌車
買道車方相氏金四目黑衣朱裳執戈揚盾載於車自哀冊車已
下並駕牛駕士二常服白幘弩素信幡錢山舁二黃白紙帳二暖
帳夏帳各一千味臺盤一衣物舁拂蠶二挽歌三十人鐸八翼八
花釵禮衣一副漆梓宮夾衾一障梓宮翼十二柄十二時辰各一
當墻當野祖明祖思地軸贈玉一段刻木控鶴官二十人刻木內

某

人二十人像生器物五十事屏風一掩障一像生牀倚四副音樂
隊神御帳一宮城一園苑一苞牲輿三益并一舉儀郭一并車蒼
餅舁一招幡子二十個玉穀舁一像生駝二十像生馬二十像生
車擔羊羣二國白幕惡車三乘渾刷白布幃簾駕士白布衫巾桑
木栗木神王各一座并跌匱胥舁曲几箱靶等浴神主盆太廟添
修石室一一皇堂開城下深六十九尺填築六尺面方二丈五尺
石地宮深一丈明高二丈一尺鹿巷長七十二尺一神臺高四十
一尺下腳一十九步計九十五尺一神墻高一丈三尺一山門角
闕各大辦高二丈七尺次辦高二丈三尺小辦高一丈九尺一鵲
臺二座各大辦高二丈七尺次辦高二丈三尺小辦高一丈九尺
一乳臺二座各高二丈七尺一神門四座每座三間各四椽四鋪
作事步間修蓋深二丈平柱長一丈二尺一獻殿一座共深五十
五尺殿身三間各六椽五鋪下昂作事四輔角二厦頭步間修蓋
平柱長二丈一尺八寸副階一十六間各兩椽四鋪下昂作事四

轉川步間修葺平柱長一丈一闊亭二座每座五間各四椽四鋪
柱頭作事深二丈二尺每座二簷一轉角柱高一丈二尺一鋪屋
四座每座二間各兩椽單科直贊作事深一丈二尺柱高八尺一
宮人二箇各身高八尺背闊二尺三寸一獅子八箇各高六尺一
寸已上至六尺六寸已下胸闊二尺七寸文武官四箇各身高九
尺以上九尺三寸已下背闊二尺七寸一羊四箇坐高六尺一寸
胸闊二尺三寸一虎四箇坐高五尺六寸胸闊二尺二寸一馬二
匹各高五尺三寸頭尾長九尺鞍轡事件全把馬官四箇各身高
八尺背闊二尺二寸一望柱二條各高一丈三尺二寸徑圍七尺
八寸一門下合二段各長一丈二尺五寸闊六尺厚二尺越額一
段長一丈八尺高四尺五寸厚二尺五寸挾二段各長一丈二尺
闊二尺五寸厚二尺直額一段長一丈八尺闊四尺厚二尺門寸
門砧二段各長五尺闊二尺五寸厚二尺門砌三段各闊厚二尺
二段長各六尺一段長三尺一槩鎖柱一條長一丈三尺五寸闊

二尺厚一尺五寸上一漆燈盆一座計二段盆一段高四尺五寸徑三尺座一段方二尺五寸厚一尺一蠟燭一段高二尺徑一尺五寸從之上

同日上服素紗幘頭淡黃衫黑犀帶御迎陽門百官起居宰臣跪請聽政訖與親王宗室侍從官以次陞殿奉慰上掩泣久之上同日太常寺言故事薨先輕而後重祭先重而後輕追尊皇太后宜以五月六日寅時掩皇堂大行皇太后宜以巳時掩皇堂從之

十九日封山新草上

二十二日詔何執中入國日令徐勣兼權兵部侍郎充山園陵鹵簿使上

三月八日宰臣忠朝忠彥率羣臣請諡號於太廟臣議曰臣聞古之

欲明明德於天下者先治其國欲治其國者先齊其家故舜帝之所以帝始於齔汭之擯文王之所以王本子關雎之化蓋身修而後

家齊家齊而後國治國治而後天下平者王道本末之序也恭惟
大行皇太后生於慶門世濟勲德在父母家已能躬儉好禮不以
公卿之閥驕其心方神宗龍潛穎邸天作之合共遵詩禮之訓交
修子婦之道及帝握乾符御大寶憲章一祖四宗維圖之具稽考
二帝三代善裕之道登延雋髦崇尚經術以隆萬世之業后亦正
坤儀講內治上以奉處壽崇慶之歡下以廣免置麟趾之實恭承
明祀述宣陰教以為六宮之率故神考之修德盛烈流於無窮慈
德之徽音茂實光於不朽此家治國治而天下平之顯效也承天
儲極十有九年饗東朝之養十有七載率履不越謙尊而光於求
賢則懷輔佐之志於鞠子則推均一之愛服御簡素不玩珠玉鑒
觀圖書增益自得深戒私謁未嘗以親屬干朝廷神宗每訪家事
終無所言幾務未決或以試之從容析理多出常情之表遇待日
隆文簡盛族支派蕃衍纖介偶聞切責隨至於是有所戒謹恐懼之
福無驕奢傲慢之咎每歲推恩宗黨法有定數以次及之罔或偏

厚哲廟繼統之初崇慶預政之際裨益宏多中外陰受其賜哲宗當

於春秋不憚未幾遽至大漸弗及憑玉几見羣臣人情怙懼神器

震搖獨仗大義靜重自若導揚末命援立仁聖措天下於泰山之

安其守正不惑有如此者皇帝踐祚權宜同政御後近制也辭之

而弗處避家諱常禮也戒之以無諱事無易難克已不吝心無適

莫惟善是從始終數月之間屢申退託之命皇帝泣涕祈懇至於

累旬確乎不從遂復明辟其委遠利勢有如此者選政故事從崇

外氏崇回宗良議皆寵以異數詔旨欲宣堅持不下帝雖數請慈

意莫回後不得已纔聽易鎮其惡盈防患有如此者不豫之日皇

帝衣不解帶藥必親嘗需思多方禱福羣望疾稍間所語者軍國

遠慮而已言不及佗固宜享萬壽無疆之休而遽棄大養因山有

期昭行以禮臣竊嘗採風雅於古詩考紀傳於前史有后妃之德

者或無遭變之功有遭變之功或致享威之誦至於功德兼隆美

善俱盡奇偉個黨未有如大行皇太后之全也然則雖欲形容詎

能髣髴惟是孚於詔令頌於士民巍巍乎其著明者乃獲粗陳其梗概焉若夫精微妙密則何能名之有謹按諡法敬事節用曰欽威儀悉備曰欽通達先知曰聖揚善賦謀曰聖刑政四方曰憲聖能法天曰憲剛德克就曰肅執心決斷曰肅不加飾於簪珥惟致美於褱綸升降進退皆有法度左右親信罕見情容可謂敬事節用矣可謂威儀悉備矣坐鎮危疑洞察情偽於天人相與之際有著龜先明^見之明其動也時能斷大事可謂通達先知矣可謂揚善賦謀矣母儀三世兢兢終身淵默尊嚴續御自化海隅蒼生風靡誠服可謂刑政四方矣可謂聖能法天矣內健外順好謀而成以天下之大公任天下之重責力安宗社澤及生靈可謂剛德克就矣可謂執心決斷矣擅是眾美集為大成質諸鬼神而無疑蔽乎天地而無愧斯足以振盛典垂鴻名丕有烈光以昭後世大行皇太后宜敬承祖宗之命上尊諡曰欽聖憲肅皇后禮畢列名奏上之詔恭依^上

十一日輔臣欲以大行皇太后為欽慈憲肅追尊皇太后為欽聖
上曰慈聖宣仁皆有聖字宜以大行皇太后為欽聖憲肅追尊皇
太后為欽慈輔臣皆頓首稱善上同

二十一日詔大行皇太后追尊皇太后發引命官分導於靈前上同

二十八日詔四月四日以大行皇太后諡冊告廟是日遂上大行

皇太后諡冊於慈德殿上同

四月一日太常寺言按故事大行皇太后啟輓前三日在京禁樂

祔廟畢仍舊所過州府縣鎮候虞主回京仍舊從之上同

二日啟輓前日宰臣率百官奠於慈德殿上同

四月以大行皇太后諡冊告廟是日遣宰臣韓忠彥上玉冊玉寶

於慈德殿冊文曰孝子嗣皇帝臣徽宗再拜稽首言曰竊惟詩

人推本周文王之功德曰文王初載天作之合自古帝王之興必

有聖女以助內治以垂陰教表裏協濟王功以隆而後能同享太

平之福嗚呼非天眷命於有邦其曷以臻此惟我烈考聰明齊聖

緝熙五聖之遺緒興起萬世之長利惟我聖母應期挺生粵自潛
邸作配宸極肅正中闈敦睦九族法度形於燕閒恩惠逮於微賤
俾我烈考之德孚於朝廷正冒海宇惟予小子幼被撫養顧復之
恩長受教誨勸導之益延入翼室用瑞命於上帝方圖內承東朝
之訓外竭四海之養而否德薄祐天降割於我家亟奪我聖母堯
堯在疚日月于邁有司稽古將節惠以易名惟小子曷足以仰窺
淵懿敢祇述所知以昭後世恭惟大行皇太后徽柔肅雍恭儉慈
愛實我咸平相臣文簡公之曾孫維時文簡輔我真祖勤勞在官
垂裕乃後是產淑哲與聖俱興志在女工婦道已茂正位於內三
十餘年夙夜儆戒靡有違德慈聖宣仁兩姑並尊承顏三宮孝恭
蒸蒸元符之末國統弗嗣相臣異心大計机隍中外震懼寒心拱
手惟我聖母稽謀神祇憲章典禮力援眇躬大統以定惟平日退
託潛德弗耀而任大投艱克有餘裕片言析理兇狡震服所謂坤
至柔而動也剛雷聲而淵默者歟惟宗社有奉神人有依實自我

聖母祇率故事恭請同政至於再三勉與聽斷蕩宥多辟寃滯昭
蘇決去蔽蒙人才咸叙華夏蠻貊戴白垂髻聞風歡呼喜氣橫流
休功美利申國景命亦惟我聖母而乃夙夜克自仰畏視事不臨
於便坐私諱不行於外庭不敢自同先后而復遠鑒前古期以泰
陵祔廟退處房闈既又謙懼亟降璽書曾未及期已復明辟友愛
二弟恩恤篤至而愛其挾貴請外不許宮室器服無所增廣不為
浮麗可喜之觀嗚呼為天下之母而躬賢哲難能之節當太平盛
世而謹古今易忽之戒可謂明哲純德鮮儼矣卜宅爰從因山既
藏是用咨於卿士受命祖宗惟道大不可形以名言德厚不可盡
以稱謂謹稽四謚之法畧舉衆善之端以慰臣民以示子孫謹遣
攝太尉左光祿大夫尚書左僕射臣韓忠彥奉冊寶上尊謚曰欽
聖憲肅皇后恭惟神靈在天休聞在下光於清祐表於有宋億載
萬世與國無極嗚呼哀哉禮畢百官退赴殿門外奉慰是日大行
皇太后啟敢百官朝臨於慈德殿上行祭奠之禮告遷梓宮於兩

極之間百官奉慰遂哺臨自是百官朝臨三日止

上同

十四日以大行皇太后發引前三日百官服初喪服臨於慈德殿

自是日一臨前一日仍哺臨

上同

十五日內出御製挽詩五章付禮部

上同

十七日大行皇太后靈駕發引上啟奠於慈德殿百官入臨奉梓

宮陞龍輅祖奠於庭遣奠於宣德門外百官陪位攝中書令李清

臣讀哀冊冊文曰粵建中靖國元年歲次辛巳正月壬戌朔十

三日甲戌大行皇太后崩於慈德殿二月壬辰朔十一日壬寅殯

於西階以三月壬戌朔八日己巳戒百官請命於太廟諡曰欽聖

憲肅皇后太史筮之將以五月辛酉朔六日丙寅遣座於永裕陵

禮也哀子嗣皇帝臣

祔宗祔

極永感之懷寫無窮之慕躬羞泐爾奉

輶輔馭痛三牲之養勿至於遣奠悲萬壽之祝俄成於時露警效

如在聲容不返畢銅史之餘滴動金商之清挽暑令忽其成淒黃

風颯其變慘像設既嚴物儀具在惟是冊書用傳不朽官以承詔

式虔事守紀寓哀貽之永久其詞曰我宋隆康恩漸動植若遠及
邇生成滋息趨走賢智修官懋職遐方四裔左衽重譯維相向公
梁紹宗祐遠女曾孫迺家瑞國蚤歸王藩旋被綸翟至性溫溫令
儀翼翼道德禮生知自得慶壽寶慈問安斯久執養寒暑端莊不
易內輔神宗贊助陪益凡厥見聞徐為啟迪十有九年晏策棗椒
振萬邦託慈六宮仰約省外式湯沐脂澤敬恭西竺檀旃簷蔔斯
世丕平陰與多續比懿夏商塗山簡狄姜源太姒聯袂並爲元符
三祀歲執徐直正月己卯變同剗堯巍巍哲宗武威文德天何弗
祐忽遘窀穸上嗣考廟將決大策于將鴻臣或藏邪慝輒進異論
欲倒白黑賴我聖母深潛剛克折之陛前氣彈語塞庭羅屏渠門
比闐戟龍德利見人寰慶懌一指顧間長寧社稷譬如媯皇神功
妙利鍊石補天斷鼉立極冲融宇宙混漾澡滌靡賢不登靡寬不
釋臣嘗侍對與聞訓勅曰我 皇帝聖材天錫子道勤恭政事祇
惕治本亂原講磨紬繹惠心溥博物理研覈帝堪多難予復明辟

何侯祔廟始還禁閤幸齊初難後周子責重下教告亟就安適帝
板以留想歎壁積數請弗回推璽欲籍義盡今茲事高往昔在漢
馬鄧固多漸色其於邦民憂不離臆動履仁儉示先壹則服無珠
璣器無金碧禁戒雕繪棄捐組織言祖經墳智該儒墨諸書過眼
疑旨洞析兢兢瞿瞿殆忘寢食涼暄密移冷氣侵蝕皇帝聖孝啟
處在側藥審刀圭術窮鐵石禮讓山川猶期千億丹劑雖靈冥冥
終厄佛供盡昏喪氣夜赤祲象吉凶軒星示圻數圯坤元景淪望
魄五十六載馳先度隙嗚呼哀哉梓匠奏工殯娥罷飾帳殿先途
殯堂徹席縞士鼎鼎絳旌冉冉左背城闕右經阡陌駭騎遶連綿
車嘯噫蕭笳悲吟鹵簿哆赫萬類奪輝四民聚戚御服苴麻皇情
樂棘嗚呼哀哉霧雨故宮萼苔舊械龍槐蕭森獸扉虛寂輦路鑑
臺孰非陳迹引望山園涕濡竹栢惟有徽音長留寶冊嗚呼哀哉
上自慈德殿步導梓宮行且哭至宣德門外立俟梓宮登大昇輦
發引訖奉辭衰服還內元祐皇后扈靈駕以行是日普安院追尊

皇太后靈駕同時發引百官辭於板橋退改常服入門翌日詣西

上閣門內東門奉慰上同

二十七日大行皇太后靈駕至陵所羣臣奉慰上同

五月六日葬於永裕陵掩皇堂羣臣詣西上閣門奉慰上同

十一日虞主至自永裕陵羣臣迎於板橋元符皇后迎於瓊林苑

有司行六虞祭上服韠袍素紗幘頭黑鞵犀帶迎於內東門外奉

安於皇儀殿羣臣奉慰上同

十二日七虞祭羣臣奉慰自是八虞九虞皆上親祭上同

二十五日上以祔廟前一日宿於慈德殿側輔臣宿於本司百官

宿於朝堂上同

二十六日奉欽聖憲肅皇后欽慈皇后神主祔於神宗廟室上同

二十八日德音應兩京河陽鄭州減死刑釋杖罪緣山陵科率蠲

復賦役應奉行事官量與恩澤上同

七月一日詔吏部尚書陸佃贖銅十斤起居舍人李昭玘放罷少

府少監韓粹彥降一官坐欽聖憲肅皇太后山陵奉虞主不恭伺
嘗自言故薄其罪上同

崇寧元年正月十三日小祥羣臣奉慰如儀上同

十月二十日禮部言來年正月十三日欽聖憲肅皇后大祥依故
事禁樂從之上同

欽慈皇后喪禮

哲宗元祐四年六月二十八日美人陳氏薨贈充儀嚴塗於萬壽
觀上同

九年二月移嚴多慶寺之東紹聖四年四月贈貴儀上同

徽宗元符三年正月十二日徽宗入繼大統詔有司議尊崇之典

追尊皇太妃推恩外家逮其姻戚崇奉園寢朔望歲時薦新上同

十二月二十七日詔故皇太妃園寢封地除營域外皆勿禁以有

司奏欲毀民墳九百六十所民數百區故有是命上同

建中靖國元年正月十六日詔曰朕惟守位曰仁事親者仁之寶

教民以孝因心者孝之先然眇躬幼失所恃有霜降露濡之感
無昏定晨省之因隆祐深慈具言於遺訓章懿盛典並列於有司
明告治朝追榮顯號故皇太妃陳氏柔儀端靖淑德齊明標茂範
於皇闡鵠徽音於彤史輔佐永裕肅雖內庭誕育中人續承大統
彼蒼不弔陟屺經哀聞雖猶想於問安吹棘徒增於隕涕既不能
致四海之養銜恤無窮將何以報昊天之恩崇名為慰用廣如存
之敬以伸終慕之情宜追尊為皇太后仍令所司擇日備禮冊命
詔大行皇太后山陵五使而下並兼領追尊皇太后園陵又詔祔
葬永裕陵上同

同日三省進呈章懿皇后故事仁宗皇帝詣園寢者四一展告二
上謚三啟蕞四發引上不欲數出城將減上不數故事并諭輔
臣裁節山園陵浮費凡於用不急非有益神靈者除之命戶部侍
郎王古主其事上同

十八日命同知樞密院事將之奇撰哀冊文并書中書侍郎許將

撰謚冊文并書冊實給事中兼直學士院徐勣撰謚議上同

同日太史局言園陵斥土宜用二月十九日發引用四月十七日

大葬用五月六日從之上同

二十日詔皇堂視大行皇太后制度修奉上同

二十七日命權尚書刑部侍郎岑象求為覆按山陵使入內內侍

省押班劉瑗副之上同

二月三日詔以三月六日折啟四月四日啟攢上同

八日太常寺言請侯易月畢詣園寢行展告追尊皇太后之禮御

史基請自園寢設追尊皇太后路發並從之上同

十三日詔追尊皇太后四月五日啟啟宮進大并舉發引赴多慶

院候車駕親詣行禮訖靈駕赴普安院權奉安有合行事欲依下

項一闕守勲劄子欲乞自三月六日便行折去追尊皇太后增修

神臺且留舊墳塋軍令儀鑒司絞縛幕殿候啟敢前五日將塋軍

及地宮折去取見梓宮開修隧道即用罩幃進龍輜至神門外上

大昇舉聖駕行遣典之禮畢長行至普安院殿前設幕殿奉安就
大昇舉添飾梓宮了先降封鎖使司今相度欲令於啟敢前三日
漸次折去塼罩至初三日折去地宮見梓宮開隧道用木罩幃掩
覆俟初五日啟奠行禮畢進龍輅奉梓宮發大昇舉赴多慶院幕
殿權奉安以俟聖駕行遣奠之禮畢進發赴普安院其初三初四
日五使並宿衛於多慶院幕次餘依閤守勲所申施行一多慶院
普安院合設置奉安幕殿并准備內人及五使以下幕次並令頓
遞使司都大管勾所貼定地位次令儀鑾司絞縛陳設并其餘各
排辦事件令頓遞使司預行計置一啟奠行事并遣奠讀哀冊文
合用儀注及合排儀仗應合行事件並令禮兵部太常寺限三日
詳議開奏貼黃據禮官稱啟攢日有啟典更無祖奠之禮止俟聖
駕到多慶院讀哀冊行遣奠之禮一防護軍兵等令馬軍司選差
押教使臣一員量帶人馬五百人騎同已差下軍廂主管押於四
月初三日赴多慶院并本地方都同巡檢帶領本頭項人馬同共

巡宿一多慶院頓遞已降指揮令兼管普安院頓慮兩處管幹不
前欲令頓遞使司更切相度如合別差官分頭管幹即具合添員
數姓名申使司奏差事畢先次減罷從之詔以四月四日多慶院
追尊皇太后啟敢須慈德殿大行皇太后啟敢禮畢乃可出宜以
五日啟宮宮權赴多慶院宿頓候車駕行遣奠禮畢赴普安院奉
安上同

十四日太常寺言故事葬先輕而後重祭先重而後輕追尊皇太
后宜以五月六日寅時掩皇堂從之上同

十九日封山斬草上同

二十三日詔啟敢日服衰上同

三月一日以追尊皇太后啟敢命園陵使曾布奏告宗廟社稷上同

八日同知樞密院事蔣之奇言詔撰謚册文檢詳故事或稱太后

或稱皇后某氏惟祭別廟者加太字而祔太廟者去太字祖母則

稱太皇太后崩亦如之加太字者所以別尊稱也謹按唐順宗莊

憲皇后王氏初稱並云莊憲皇后開元六年正月太常奏昭成皇
太后諡號禮部非之太常報曰入廟稱皇后義繫於夫在朝稱太
后義繫於子臣竊詳冊文云孝子嗣皇帝則前合存太字以申陞
下臣子之志既從先帝之諡又納之陵寢則復合去太字以正從
夫之號蓋事于典禮名不可以不正望下禮官詳議所有大行皇
太后亦應視此詔太常寺詳議以聞於是太常寺檢會慈聖光獻
故事祔陵廟則去太字其餘則存之冊文初稱大行太皇太后尊
諡即曰慈聖光憲皇后今合遵用詔恭依上同
十一日宰臣韓忠彥率羣臣請追尊皇太后諡號於太廟諡曰欽
慈皇后詔恭依議曰臣聞道與世而升降禮稱情而節文自周
之興始存紀諡之法逮漢而降乃有追冊之儀歷代莫不共由先
王未之或改載簡編而弗泯升郊廟以無慚孝子慈孫豈責三牲
之養成功盛德莫永萬年之觀於皇治朝順考舊典撫隆平之休
運懷顧復之深恩戴惻淵衷式欽承於先訓爰崇顯號庸昭示於

至公以詔無窮以垂不朽洪惟神考克紹寶圖有虞舜之風以釐
二女有文王之化以刑四方修明壺儀登進邦媛是生聖母來應
昌辰伏惟皇太后令質粹合懿姿茂恭儉成於所性柔嘉得於自
然動容周旋默中珥璫之節夙夜儆戒肆觀圖史之規贊陰教於
紫庭藹芳聲於彤管尊敬保阿之訓被服澣濯之衣續女工而不
遠化婦道以敦雖穆而敦逮下之惠信順以體資生之仁形夢曰
之嘉祥協祠謀之終吉克昌國祚誕育聖躬貽社稷無疆之休慰
華夷胥侯之望永裕之仙遊忽遠坤儀之正位未隆昇藏瑩以密
移駒過隙而難駐天長地久結遺恨以何窮日往月來想徽音而
莫覩皇帝紹膺駿命嗣守慶基極孺慕以異從感色養而無及念
之不見彌深陟屺之哀維以永傷更甚茹荼之苦肆舉追崇之典
用中周極之情爰命下陳敬遵故事紀遺芳而傳史牒涓穀旦以
告廟祧臣謹按謚法威儀悉備曰欽敬事節用曰欽一心均愛曰
慈能以仁教曰慈皇太后體該眾美性蘊先知名之可言乃其髣

繫德之所屈無以形容永對天地之休敬承祖宗之命恭上尊號

曰欽慈皇后

同上

十四日詣多慶院圓寢行展告之禮

同上

二十一日詔將來發引命官分導於靈駕前啟敢親王宗室並素

服角帶

同上

二十八日詔四月五日上謚冊於多慶院幄殿候車駕遣奠回告

廟以太常失請故上謚先之

同上

四月二日詔啟敢前王日遣官奏告天地宗廟社稷宮觀

同上

五日啟敢園陵使啟奠畢奉梓宮升龍輜至神門外登大昇輦赴

多慶院幄殿百官班臨遣宰臣韓忠彥上玉冊玉寶於幄殿

冊

文曰維建中靖國元年歲次辛巳四月辛卯朔五日乙未孝子嗣

皇帝臣徽宗稽首再拜言曰臣聞謹終追遠前聖之格言立愛惟

親先王之猷訓維小子不堪多難悼菲質之靡依痛慈顏之永隔

有懷顧復曷報劬勞欲申終慕之情必盡欽崇之禮是取穀旦敬

上尊名恭惟追尊皇太后體道思齊含章履正柔嘉播於德範溫
惠本乎天資中環佩之節動儀乎紫庭奉圖史之戒美溢乎彤管
輔佐先帝誕生冲人爰自潛藩入繼大統天神地祇罔不祇協社
稷宗廟咸以康寧推原慶靈自我聖母而上壽未究淑命弗融奄
捐盛時浸閱華歲園陵在望音徽如存不待承東朝之顏不及享
四海之養昊天罔極空勤報德之誠春露既濡深結愴心之感願
久稽於位號茲未慊於誠懷屬慈德上賓形於遺命惟章懿之
故事具在有司是用鏤玉牒之鴻休鋪椒塗之懿鏤聿嚴昭薦或
慰孝思方將啟在浚之靈宮祔維嵩之吉宅日先其遠龜告厥猶
役徒繁興功緒丕作始因山而戒具終復土以有期仗衛肅其前
驅蕭笳淒以徐引念之不見往靈體於皇堂愾然有聞旋升神於
清祐於是羣公庶尹博士諸儒考協前古之遺文討論一代之成
憲咸以謂謚者所以述行號者所以表功義有受成名無浮實節
惠之法厥惟舊哉其祇率於彝章用寢加徽稱謹遣攝太尉尚書

左僕射韓忠彥奉玉冊王寶上尊諡曰欽慈皇后伏惟昭鑒在上

膺茲鉅典永錫祚裔垂裕家邦於萬斯年配天無極嗚呼哀哉

同日_上詣多慶院幄殿服衰親奉引庭中行遣典之禮攝中書令

許將讀哀冊冊文者維建中靖國元年歲次辛巳四月辛卯朔

六日丙申上神宗皇帝妃陳氏尊諡曰欽慈皇后粵五月辛酉朔

六日丙寅遷座於永裕陵之次禮也美道風啟告奠載撤羽備擎

而有行驚輅隱其將發孝子嗣皇帝臣_{徽宗}永慕徽音恭率禮典

瞻黼筵以踊痛奉靈車而恭遣乃詔通臣敬揚聖善其詞曰維陳

肇氏實生堯母有媯之後維舜之胄陳之啟封實始於周繇漢恩

唐或相或候逮我有宋世遠彌盛族出京兆為時顯聖皇圖有赫

益光炎正關雎成化曾沙協慶乃鍾淑哲爰際神聖女功是續婦

職是聰樂修四教懋崇六行齋戒從桑左右流行儀若蘭郁度如

玉瑩逮下惟仁奉上惟敬兩宮隆愛九御懌美女謁無私形愛有

煒妙彰筆劄戒視圖史克厚人倫以受帝祉日符表運履敏應祥

超任邈似翼夏生商宜民宜人為君為王則為其慶於邦有光昔
在元豐帝齡見夢撫神鼎以號絕睇鳳臺而茹痛愴橋山之已遠
惜蒼梧之未從昭兮永懷窈兮至靜袿裳無飾珠藏金屏樂施不
倦好謙自秉憂勤克念夙夜猶警月望未幾華殞斯頃蓋與世以
皆昌胡昇年而不永嗚呼哀哉鉤陳動色陰靈墮輝林有風而不
止露在草而先晞昊天不弔慈顏早違有蜚其車有縞其祈旋繼
纓紵翟綴鵲衡總晦采幽堂闔扉望國郊其未遠空故庭兮不歸
嗚呼哀哉時龍天飛離明玉麗祇通遺訓宣隆前制乃正坤極允
尊皇孿瑞琮陳司重翟在庭玉琿有冊寶上尊名金範有璽寶奉
至榮文備邦禮哀貫皇情以萬國之貴而聿追於後以四海之養
而不逮其生嗚呼哀哉靈殿雲結神闕山立乘輿親謁獻掌躬執
衣黃恍見淚俎紛如二儀感而風悲千官侍而雨泣靈之下兮既
享澹將歸兮陵邑嗚呼哀哉吉月兮良辰嵩霏兮緌霧龜兆兮告
遷轡龍兮莫駐嗚呼遽咽枉旄列注背吹臺以右轉越鞏岡而西

去嗚呼哀哉仰烈考兮在天邈從之兮洛川洛川兮斯塋松柏兮
有所九虞續兮其返神顧我兮來還原既安兮不騫祚後之人兮
萬年嗚呼哀哉禮畢靈駕發引赴普安院奉安俟聖駕至宣德門
上登塋遺內上同

十五日內出御製挽詩五章付禮部

上同

四時發引候

十七日大行皇太后追尊皇太后靈駕奉見訖先行大行皇太后
靈駕至普安院前追尊皇太后靈駕奉見訖先行大行皇太后靈
駕以次進發百官辭於板橋退改常服入內翌日詣西上閣門內

東門奉慰上同

二十七日奉安靈駕於永裕之下宮同日靈駕至陵所羣臣奉慰

上同

五月六日葬於永裕陵掩皇堂羣臣詣西閣門奉慰

上同

十一日虞主至自永裕陵羣臣迎於元符皇后皇后迎於瓊林苑
有司行六虞祭上服韡袍素紗幘頭黑鞋犀帶迎於內東門外奉

役

徵

安於皇儀殿羣臣奉慰上同

十二日七虞祭羣臣奉慰自是八虞九虞皆上親祭上同

二十五日上以祔廟前一日宿於慈德殿側輔臣宿於本司百官

宿於朝堂上同

二十六日神主祔於神宗廟室上同

二十八日德音應兩京河陽減死刑釋杖罪緣山陵科率蠲復賦

役應奉行事官量與惠澤上同

八月六日詔供備庫副使上同以等進官有差以欽慈皇后祔廟

故也上同

欽成皇后喪禮

徽宗崇寧元年二月十六日

曰聖端皇太妃昔事神考無

育哲廟享養西宮功紹隆繼

民用盡傷思父念兄禮宜隆

太妃朱氏薨輟視朝十日詔

曰之心有警戒相成之道誕

以慈儉保佑之德今云殂殞

無典以責其終可追崇為皇

元

太后上

十七日禮部太常寺言追崇聖瑞皇太妃為皇后欲依景祐三年故事歲時祭典以監護使行禮詔遷於皇儀殿治喪大殮後擇日出殯普安院仍權用絳舉奉安出右掖門聖瑞殿應有服人並合行事並禁中取旨合行典禮令禮部太常寺詳定蔡王似權於皇儀殿門外設次行服仍於殿下製梓宮羣臣於不奏事日赴皇儀殿上香餘依所奏

上同

十八日制曰夫孝之至者其愛廣報之厚者其禮隆朕適駿皇圖極思父念兄之感愴懷聖瑞盡慎終追遠之情數告治朝特尊顯號故聖瑞皇太妃朱氏懿恭惟則柔惠且早衍慶於茲斯克相儀於椒掖輔佐昭考有警戒之道而無險詖之心保佑泰陵助繼述之功而遵慈儉之德仰徽音之愈茂嗟淑命之不融於戲婦順謀冲生不及四溟之崇養宗章華煥歿而加萬世之鴻名惟哀慕之無窮用褒榮於罔極宜追尊為皇太后仍令所司擇日備禮冊

命施行是日命中書侍郎許將為園陵監護使延福宮使入內侍省教知馮世寧為園陵都監龍神衛四廂都指揮使張存為園陵修奉總管尚書禮部侍郎周常為禮儀使尚書兵部侍郎郝浩為儀仗使尚書工部侍郎龔圓為鹵簿使尚書刑部侍郎杜常為橋道頓遞使將作監許幾為提舉採石官尚書祠部郎中王詔權尚書度支部郎中兼京西路轉運使候園陵事畢還闕上

同日太史局言追尊皇太后大殮用二月二十二日成服用二十八日出殯用二十九日從之仍詔出殯并發引及葬日並不視朝羣臣許詣西上閣門進名奉慰又詔追尊皇太后應祭典並令祭王行禮出殯後令就普安院行服止宿前降令監護使行禮指揮勿行上

同日追尊皇太后園陵事務所言斥土用四月六日啟敢用五月四日發引用十日葬用二十四日園陵監護使言章惠園陵故事迄今七十餘年典籍不存乞參用逮中靖國元年園陵并前後故

事增損施行從之上同

二十二日大殮羣臣奠於殿庭上同

同日命吏部尚書趙從之撰哀冊文翰林學士郭知章撰謚冊文

尚書工部侍郎龔原撰謚議上同

二十七日詔追尊皇太后園陵京城禁樂一月葬日即祔廟各前

後禁樂七日上同

同日學士院撰到尊皇太后出殯鼓吹導引歌詞一首詔送太常

寺上同

二十八日太局史選到追尊皇太后斬草破地宜用四月初六日庚

寅吉時宜用當日辰初四刻先自皇堂下手刻期赴辦大葬外神

門闕角等繼續修蓋從之上同

同日以成服上行祭奠之禮不視朝上同

二十九日出殯羣臣進名奉慰訖赴普安院上香上同

三月二十日禮部言追尊皇太后園陵修奉所狀准尚書省劄子

今來園陵皇帝^堂用四十五尺依朝旨參酌增損丈尺等其修砌皇
堂地宮鹿巷廂壁火口土閣在四十五尺內並依去年皇堂故例
開深六十九尺打築六尺明用三十六尺今來陰陽官胡晟等狀
依經法開掘五十三尺打築八尺外明四十五尺今來既用地宮
若依修奉所狀內事理除別無典禮該載外取到太史局狀看詳
胡晟等狀內所定皇堂下深并添築丈尺即別無妨礙內看詳神
牆高一丈即未合經法若用九尺或一大一尺及神臺等若依去
年故例修製各別無妨礙內參酌增損丈尺名件即陰陽經書不
載若依所諸請即無妨礙又取到太常寺狀勘會建中靖國元年
園陵神牆用一丈三尺詔用一丈一尺餘依修奉所申^上同
四月十日宰臣韓忠彥等請追尊皇太后諡於太廟諡四欽成皇
后詔恭依 議曰臣恭以神宗皇帝在宥天下十有九年凡禮教
之所儀刑道化之所鼓動而四方靡然向風者實自齊家始六宮
之內位不必備左右祇肅類以德進雖復恩數優渥莫不搏節自

飭其賢正有以道相成者非一日積也恭惟追尊皇太后興自慶
系進登貴名柔懿恭順久著休聞仁淑勤儉見於躬行而又謹環
佩之音帥保阿之訓其夙夜所以警戒者有故賢妃之風故善積
而慶從行成而報厚熙寧九年天命誕集是生哲宗皇帝元祐初
昭受顯策享養西宮儀衛之崇冠服之盛定儀禮閣榮動一時曾
不以帝母之貴自居而進承宣仁欽聖之辭也惟婦順是盡凡所
以保佑訓迪於泰陵者一遵兩宮慈儉之德迨紹聖故事增光神
考之休烈則又有紹隆繼述之助焉然而二十年間經涉變故從
容俯仰謙冲自牧燕及中外初無間言豈惟神考陶冶成就亦敏
於聽從出自天性也 皇帝踐祚益加禮意聞者胥謂追尊皇太
后方且康寧譽處享有多祉不幸憂傷之未感厲爽和久之未平
皇帝睦言動容為推恩出繫因下令訪醫術日冀少愈奄忽大故
尤用盡傷亟降詔追崇為皇太后肇正中宮之名秩增賁東朝之
安儀位號兼隆繼美先后宣制之日聽一新園陵有期思有以節

惠易名者申命羣臣請諡太廟而命臣撰號文臣伏讀詔書追尊之訓辭參考六家易名之舊法仰觀神宗內治之恂達於是序列追尊皇太后終始之事至夫所以上當祖宗之意以信萬世無窮之傳者一與諡法相應謹按諡法相應咸備悉曰欽敬事節用曰欽婦德均一曰成夙夜警戒曰成追尊皇太后宜敬承祖宗之命恭上尊諡曰欽成皇后上同

十五日攝太尉尚書左僕射兼門下侍郎韓忠彥奉欽成皇后諡冊實冊文曰維崇寧元年歲次壬午四月乙酉朔十五日乙亥皇帝徽宗謹再拜稽首曰夫諡者行之迹號者功之表歷選前代厥有成憲蓋生而飛英聲騰茂實既有以聞於一時則歿而施尊名隆徽稱又將以詔於萬世況先期淑哲奄忽大故方謹終追遠惻怛震悼異數寵章朕輝煥爰命有司若稽往制約美節惠庶幾形容於萬一也恭惟追尊皇太后柔嘉靖正體仁蹈和昔在神考聰明睿知勵精庶政教化庶政德禮陶漬關雎之風行家人之道

正當是時皇太后贊熙內治協相椒闥寤寐思服夙夜警戒輔佐
憂勤受社上帝衍慶益斯萬生哲宗塗山簡狄丕績並麗元豐之
末裕陵上賓宣仁垂簾當是時皇太后婦職允修皇姑是尊崇慶
慈德朝名祇順承顏問安孝恭匪懈雖據佑天下之主有鞠育顧
復之恩而不自矜其功雖參亞坤元之位有與服儀衛之寵而不
自挾其貴謙冲靜默得於誠性終始金粹無有間言紹聖之初哲
廟親政濬發睿斷起廢興壞丕變治功憲度典章復還熙寧元豐
之盛方是時皇太后助紹隆繼述之志有啟迪贊導之益陰功隱德
人所不知休烈盛美蓋有不可得名言者矣謂宜藏福祿昌壽考
以長享西宮之養而為四海之所矜式遐齡未究淑命弗融因山
有期龜筮既從茲用博訪於卿士受命於祖宗表行易名所以愜
輿議當神心而詒不朽之傳謹遣攝太慰尚書左僕射兼門下侍
郎韓忠彥奉寶冊上諡曰欽成皇后伏惟先靈如存淑問不息膺
茲鉅典昭厥懿德對越清廟永永無極嗚呼哀哉

上

三十日 詔追尊皇太后啟殿宰臣率百官行禮讀謚冊寶奏告
天地宗廟社稷靈駕發引日羣臣奉辭於板橋並如欽慈皇后故
事

五月四日追尊皇太后啟殿梓宮候時遷正羣臣焚香遂讀冊寶
於靈座祭王似行祭典之禮羣臣奉慰如儀

七日帝詣普安院追尊皇太后啟宮祭奠

上同

十日靈駕發引祭王似行啟奠祖奠之禮攝中書令趙挺之讀哀
冊 冊文曰維崇寧元年歲次壬午四月乙酉朔十五日己亥

上神宗皇帝妃朱氏尊諡曰 欽成皇太后粵五月乙卯十日甲

子遷座於永裕陵之次禮也彫輓風戒奠俎方徹慘哀於廣陌

引素仗於明發皇帝德懿並隆恩禮斯洽屬羽衛之有行念徽音

之永絕爰命侍臣茂揚懿烈其辭曰維我有宋繼天立極王化之

基自家刑國於皇神考百度修飭元豐之功下土是式妙選六宮

升進淑德靜恭柔懿私謁不行夙夜警戒協謀相成履武登祥纂

繼丕緒奕奕西宮是燕是處慈仁克儉宜壽而臧胡不永年忽云
 淪亡嗚呼哀哉秦陵初載恭默不言佐佑保護忠和且溫逮及親
 政紹隆繼述贊助之勤一心密勿默想音容空餘髣髴嗚呼哀哉
 厥初遴厲覲其有疹襁被禱祠靡神不周訪秦醫之殆偏肆時宥
 以寬憂愴陳駒之易轉驚逝水以難留嗚呼哀哉永懷父兄屬以
 大統聖心孝思報稱攸重稽章惠之舊儀詔議臣而祈中正位號
 之尊榮隆典葬而追奉琢寶玉兮環奇鏤匣金兮錯綜嗚呼哀哉
 考卜維吉揆時既良仙馭杳去銘終載揚背浚郊之奧壤係洛土
 之崇岡陵寢盤兮空曲珍木茂鬱蒼流殿苔兮素月隕龍陌兮晨
 霜闕珠襦兮寶筭零雨涕兮宮牆石門兮深扃漆炬兮永夕雲駟
 駕兮弗還總惟空兮常寂嗚呼哀哉有形兮必終有數兮斯盡生
 能享天下之奉兮無違歿以歸裕陵之原而何恨雖千百兮斯年
 終不騫兮不隕嗚呼哀哉上同
 同日元祐皇后扈靈駕以行百官辭於板橋回奉慰如儀上同

二十二日太常寺言虞主到京日請依章惠皇后故事於瓊林苑權奉安行陞祔之禮從之上同

二十四日葬於永裕陵羣臣奉慰如儀百官奉迎上同

二十九日虞主至自永裕陵百官奉迎於板橋元符皇后奉迎於

瓊林苑上同

六月五日神主陞祔神宗廟室上同

八日德音應西京河陽減死刑釋杖罪緣園陵科率蠲復賦役應

奉行事官量與恩澤上同

十六日朝散郎試將作監許幾特授朝請郎以辦園陵有勞故止

上同

二年正月二十日太常寺言二月十六日小祥其日不視事禁屠

宰一日景祐無禁樂故事詔禁樂上同

十二月十一日太常寺言來年大祥乞依小祥例從之上同